


Non l'è



CENTRALE V. E. II

1001



3
II
10

P. Co. B. 28.

7

Handwritten signature or initials, possibly reading "H. J. S." or similar, in a cursive script.

**HONESTA
VIVENDI
RATIO.**

1. 3. 1. 0. 1. 2.

2. 3. 1. 0. 1. 2.

3. 3. 1. 0. 1. 2.



Joh. Bapt. Walther

HONESTA VIVENDI RATIO

Qua


VNVSQVISQVE VTI DEBEAT

Vt

A Deo , & hominibus
diligatur .

Auctore

REV. PETRO CARACCIO
Canonico Bariensi.




PATAVII, MDCLVII.

Typis Pauli Frambotti Bibliop.
Superiorum permiss.

Illustriss. Nobilissimisque
ADOLESCENTIBVS
D. D.
ANIBALI, IACOBO,
&
CONSTANTIO
PAPAFAVA.

ILLVSTRISSIMI
V BERTINI
PAPAFVAE
FILIIS
Mæcenatibus suis.



Vm Virtutem, NOBILIS-
SIMI ADOLESCEN-
TES, ex naturali instin-
ctu semper amplectamur,
& eam tanquam verissi-
mam, & solam adorandam Deam ve-
neremur, nemini meo quidem iudicio

§ 4 *relin-*

relinquitur dubium, quin præcepta ad ipsam virtutem conducentia magni quoque sint facienda: quæ cum libenter in lucem proferrem, dudum mecum de Dedicatione perpendi. Sed ecce venit in mētem nullis paruulum hunc meum, qui de HONESTA VIVENDI RATIONE CORAM DEO, & HOMINIBVS inscribitur, melius dedicatum iri libellum, quam ijs, qui Virtutis sunt amantissimi: Nam illi ex naturæ lege inclinati sunt, vt eam, quæ ad Virtutem ducit, viam beneuolo complectantur animo. Inter quos Vos NOBILISSIMI ADOLESCENTES, tanquā Principes agnosco, qui non solū ex natura, verum etiā ex Proauorum serie omni Virtutū genere estis ornatissimi.

Quid enim memorem prætermisisti innumeris alijs præstantissimis, quos Vestra produxit Nobilissima Familia Heroibus, ROBERTVM Proauum Vestrum dignitate Magnæ Crucis in celeberrima illa Sancti Stephani Religione perfunctum, deinde Torque Sancti Michaelis à Rege Christianissimo donatum fuisse?

Quid

Quid de *VBERTINO*, qui ob In-
 signem, qua pollebat, *Virtutem* post-
 quam varia *Ecclesiastica* munia ritè,
 decenterque administrasset à *Gregorio*
XV. Pont. Max. *Insula* *Episcopali*
Adriae insignitus fuit; quam cum ali-
 quandiū summa cum sui nominis *Glo-*
ria sustentasset, vitam cum morte com-
 mutauit, amplissimum honoris familiae
 relinquens monumentum.

Prætermitto *SCIPIONEM*, cui pro
Victoriarum contra infensissimum ve-
 ra *Fidei* hostem *Theatro* totum *Mare*
Mediterraneum inseruiuit: Quod satis
 Nobis declarauit, dum ob rem benè
 gestam ad totius *Siciliae* Regimen pro
Sacra Religione Hierosolymitana,
 tandemque ad magnum illum *Messa-*
nae Prioratum euectus fuit. Per ardua
 ad summum honoris culmen accessit, sic
 inter reliqua *Tropæa* maximum sibi
Tropheum (id est) nominis *Immorta-*
 litatem comparauit.

Nolo hic proferre *BONIFACIUM*
Equitem Sacri Christi Sanguinis; Hic
 est, qui profusis militiarum copijs hoc
 etiamnum durante bello *Turcico* pu-

blicæ rei subuenit ; Hic est , qui ob
rem benè gestam , & propriam meri-
torum suorum virtutem Venetam No-
bilitatem per munificentiam Sere-
nissimi Principis vnanimi omnium ap-
plausu Nobilissimæ Vestræ Familiæ ad-
iunxit . Hic demum ille est, qui mul-
tis abhinc annis PISAVRINAM
PISAVRAM lectissimā Matro nam,
splendidissimum Domus vestræ orna-
mentum, (nam Nobilissimæ huius Ma-
tronaæ fecunditate per generosissimam
utriusque sexus prolem, quæ non mi-
nus à Matris quam Patris virtute ori-
ginem atq; ipsam virtutem adeptæ est,
eximium Familia Vestra splendorem
obtinet) dignissimam tanto Viro Con-
iugem è Venetæ Nobilitatis Flore
sibi in Matrimonium delegit .

Quid loquar de LVCA, & CON-
STANTIO PISAVRIS , Nobilissi-
mo illo Fratrum pari, magnanimis Ve-
stris Auunculis quorum ille ingens
Imperatoris munus in mari Adriatico
non una vice obiit . Hic verò magno
cum sui capitis discrimine , dum Risa-
num ex servitute iurati Orthodoxæ

Re-

Religionis inimici ereptum fuit, æternum Pisauræ Familiæ honorem reliquit?

At quid tam longè eximia maiorum Vestrorum quærenda decora? cum inter tot alia sidera splendidissimum, lumen refulgeat Illustrissimus Patruus Vester ROBERTVS ABBAS. Heros inquam, ille, quem nullus non dicam non aptis potest extollere encomijs, sed ne illius quidem iubar illæsis oculorum radijs contēplari? Quis enim virtutes, quæ in magnanimo illius pectore domicilium posuere, ad vnguem enumerare? Quis delineare Prudentiam, Fortitudinem, Liberalitatem, Magnificentiam? Quis indicibilem in Patriam Charitatem, singularem in Deum Fidem, & Pietatem, incredibilem in omnes Benevolentiam, in tractando mansuetudinem, erga proximum, & precipuè Pauperes Clementiam non dicam exornare sed enarrare valet? Quis candidos mores, atque ingenium dyssque cognatum animum? Quis intellectus vim atque indeficientes sapientiæ tum Diuinæ, tum Hu-

mana Thesauros referare ? Quis triplicem Lauream, qua speciosa redemptus tempora in primo Adolescentiæ flore Bicipidis Montis arrectum per difficileque culmen superavit ; quia, sibi obuiam progresso Picridum Choro, in PHAEBEA Capitolia ouans inuectus est, atque assurgente Apolline, festumque omni ævo diem acclamante in immortalitatis Templo nullo senio conficiendus consedit ? Quis Sacrae Mathæseos secretiora mysteria ? Quis mentem immensitatis utriusque mundi capacissimam vel adumbrare ? Quis linguarum peritiam ? Quis rerum omnium notitiam supra humanam sortem ipsi diuinitus elargitam ? quæ cum ego verbis, atque oratione complecti nullo modo possim, nec finem, Epistolæ egredi fas sit, silentio, nullo silendo tempore præmitto.

Intuemini, intuemini Præclarissimum Heroa VBERTINVM Patrem Vestrum, dignissimum ROBERTI Fratrem quibus ille tum animi, tum corporis dotibus præditus sit, pro me Patauium loquatur, atque omnis Veneta

neta dicat Ciuitas, Itala tellus contestetur vniuersa, dum Famam ipsam, quæ iam tanti Viri nomen latissimè propagauit, non vano vulgi plausu, sed solida virtute atque præclaris facinoribus acquisita, testem compello. Virum ipsa magnanimum omnique virtutum genere refertissimum, non ore mendaci, sed vero, atque sincero deprædicabit, dignumque plane qui tantæ familie seriem in vos optimè natos Filios, atque per Vos in æuum traduceret.

An ergò quisquam erit, qui ex Progenie Vos Virtuosissimos esse neget, qui ex Familia tam Illustri, tam Præstanti, tam Inclyta Originem ducitis? profectò verissimum illud Poetæ.

— nec imbellem
progenerant Aquilæ Columbam.

Hoc ex Vestro patet ingenio; Hoc mitis, ac mansueta Vestra declarat indoles; Hoc denique Vestra in Parentes obseruantia; Hoc Pietas, hoc erga Deum Charitas, indicant; Pergite, &
ma-

*magnæ spei, & Virtutis Adolescentes !
eo, quo cæpistis, tramite, pergite, &
Proauorum vestigijs insistite, sic meum
de HONESTA VIVENDI RATIO-
NE Opusculum fovebitis, fouendo, si
quid desit, adimplebitis, adimplendo
Virtutum limitibus inhærebitis, ijsque
inhærendo virtutem amabitis, & me
semper habebitis.*

Patauij. Antenoris 1. Feb. 1657..

Ill. Nobil. Adolescentes

*Devotiss. Scr. & Clientem
PETRVM CAROCCIVM.*

AD AVTOREM.



Virtuti plures via sentibus horrida tardat,

Ad metam propero nec finit ire gradu.

At facilem vitæ rationem tradis honestæ,

Vt vitæ reliquis norma sit ipsa tuæ.

Conveniunt dictis prudenter gesta secundis.

His animum formas, & dare verba caues.

Duratura typis condantur Honoris ad aram:

Semita Virtutis te duce lenis erit.

Ioannes Rhodius.

Ad

Ad Reuerendum Eximiumq; D.
D. PETRVM CAROCCI

Librum

**De rectè viuendi ratione
Conscribentem.**



A Quocumq; artis certus conscri-
bitur ordo;

Illius hic artis dicitur esse parens:

*Sic te, CAROCCI, bona dum docu-
menta ministras,*

*Artis viuendi quis negat esse pa-
trem?*



Aliud

Aliud ad Eundem.



Quisquis amas rectam semper per-
ducere vitam,
Accipe CAROCCI, quod tibi tra-
dit, opus:

Hoc docet ante homines qua te ratio-
ne tenere
Et qua Cœlicolum te decet ante
Deum.

In amicitiae Symbolum P.
Gerardus Van Obbergen. Bruxell.
Phil. & Med. Doct.

INDEX

INDEX

CAPITVM, & RERVM

quæ in hoc Opusculo
continentur.

C A P. I.

H Onesta Vita quid sit ex
quibus constet, & quid
prosit. Pag. 3

Divisio Virtutis. 9

De Virtutis, & Vitæ Honestæ præ-
mio. 12

C A P. II.

Quomodo sit acquirenda Vi-
ta Honestæ siue Virtus. 15

De abstinentia. 18

Tribus ad Virtutem opus esse. 20

De disciplina, scientia siue In-
structione. 24

Quæ-

<i>Questio Prima . An paupertas non obsit Virtuti.</i>	28
<i>Questio Secunda. An sine doctri- na possit Virtus acquiri.</i>	30
<i>De Exercitatione.</i>	31
<i>Ejus diuisio.</i>	32

C A P. III.

Q <i>Vid in omni Aetate agen- dum secundum rectam Ho- nestatis Legem.</i>	39
<i>Sex Præcepta seruanda illi qui seipsum honestè, & instruere, & regere vult.</i>	40
<i>De diuersarum ætatum, moribus, & virtutibus.</i>	47
<i>De Adolēsentia.</i>	48
<i>De Iuuentute.</i>	54
<i>Quomodo à Parentibus, vel Præ- ceptoribus Iuuenes sint ad Vir- tutem, & Honestatem ducen- di.</i>	55
<i>Instructio sex cōstabit præceptis. ib.</i>	
<i>De</i>	

<i>De Monitione.</i>	61
<i>De Blanditijs, & Minis.</i>	63
<i>De Iuuenum Officijs.</i>	64
<i>De Aetate Virili.</i>	66
<i>De Viri honesti Vita.</i>	67
<i>De Senectute.</i>	69
<i>De Aetate Decrepita.</i>	70

C A P. IV.

Q ua erga Deum, seipsum & alios decent.	72
<i>Erga Deum quid deceat.</i>	73
<i>Erga Seipsum.</i>	74
<i>Erga Alios.</i>	75
<i>Erga Patriam.</i>	ibid.
<i>Erga Parentes.</i>	79
<i>Quomodo illis successit qui Pare- tibus non auscultarunt.</i>	81
<i>Erga Praeceptores.</i>	81
<i>De his qui debitum Praeceptoribus honorem non conferunt.</i>	83
<i>Officia erga Praeceptores.</i>	84
<i>Erga Cognatos, & Agnatos.</i>	85
<i>Erga</i>	

<i>Erga Amicos.</i>	<i>ibid.</i>
<i>Erga Socios.</i>	89
<i>Erga Senes.</i>	93
<i>Erga Mulieres.</i>	94
<i>Erga Extraneos , & Peregrinos.</i>	96
<i>Erga Hostes , & Inimicos.</i>	98
<i>Erga Heros , & Dominos quibus famulamur.</i>	100
<i>Quomodo Dominus se gerere debeat erga Servos.</i>	102
<i>Erga Magistratus.</i>	103
<i>Quid Magistratui competit erga subditos.</i>	105

C A P. V.

Q <i>Vid cuius loco , tempore , & cuius hominum conditioni conveniant.</i>	109
<i>De Conuiuio, & qua in illo deceat honestas.</i>	112
<i>De Consortio.</i>	115
<i>De Colloquijs mutuis.</i>	119
	De

<i>De Deambulatione .</i>	125
<i>Quæ deceant in Itinere.</i>	128
<i>De Rebus secundis.</i>	130
<i>De Rebus aduersis .</i>	137
<i>De Obsequio in alios.</i>	143

C A P. VI.

Virtus siue Honestas acqui-
sita quomodo seruanda .
148.

Beneuolo Lectori.

Habes hic, (ò Candide
Lector!) breui quid-
dem constricta sermone, quæ
ad Vitam rectè instituendam
coram Deo, & Hominibus
apprimè inserviunt; fortassis
uberiora longiusque conscrip-
ta desiderabis; at singula
benè perpende, & spero fore,
ut omnia, quæ expetis, aliq;
ingentibus conscripsere volu-
minibus, compendioso hoc meo
labore comperias. Vale igitur,
(Amice Lector,) & fauendo
virtutis zelum amplectere.

Page 11

PRÆFATIO.

Lactantius Firmianus, lib. secundo cap. 9. diuinarum institutionum, inquit, post omnia in mundum creata, vltimò introductum esse hominē tanquam ens omnium creatorum prefestimū. Et sacræ literæ docent, hominem esse vltimum opus Dei, illius enim causa facta sunt omnia. Quod, & Gentiles poetæ testantur, vt Ouidius dum de nundo, & omnibus creatis dixerat, sic de homine inquit:

Sāctius his animal, mētīq; capacius altē
Deerat adhuc, & quod dominari in
cætera posset.

Natus homo est, &c.

Vt scilicet rector, & gubernator, esset creatorum omnium in mundo, & Dei Vicarius. Oportet namq; prius esse subditos, & regnum, antequā rex constituatur. Si igitur homo rex est conuenit scire ipsius originem. Natus est homo e nobilissimo patre, Deo scilicet, ex limo terræ, vt nō nimium superbiat. Postquam creatus erat, ex eius corpore addita est ipsi femina: quam ac seipsum amaret, quia sciebat pater eius Deus, malē esse homini soli. Natus est, & na-

A

scitur

scitur nudus, & pauper, ut seipsum vesti-
fiat non solū vestibus laneis, vel lineis,
sed, & virtute: nascitur non pilosus ma-
re bestiarum, ut pius, & humanus sit,
non immanis: nam pili in corpore atro-
cem ostendunt animum. Nascitur corpo-
re debili, ut suis non fidat viribus ac be-
stiae, sed Dei imploret opem. Tamen ro-
bustorum animalium rex est constitutus.
Huius regijs, regia, etiam dotes sunt,
quibus præpollet ceteris creatis. Aliam
namque formam habet, quam belluæ.
Bruta formam habent pronam ad terrā:
homo verò se vultum erectum ad syde-
ra, ut terrena despiceat, & cælestia plus
amet, cogitetque secus, sibi vivendum
esse quàm brutis, ob formam nobiliorem.
Habet etiam homo ut Rex suos Consi-
liarios, rationem scilicet & providen-
tiam, quarum consilium secutus si fue-
rit, optimè reget, & se, & cætera terre-
na, & semper, prudens existet maximè
in utendis rebus propter se creatis, sibi-
que sub regimine concessis: ac hoc modo
placebit suo Cæsari Deo, & diu Impe-
riorum fungetur, & præmiū consequetur
eternū, quod ut melius assequatur,
quo modo se gerere debe at consequenti-
bus demonstrabo.

CAP. I.

VITA
HONESTA

Quid sit, ex quibus constet,
& quid profit.



Cum igitur homo natus sit in mūdum post omnia creata, tanquam rector, & gubernator omnium, ac villicus à Deo constitutus, ipsi sic viuendum est, vt suo Cæsari Deo placeat: vt à Cæsare suo in aulam cœlestem reuocatus per mortem (vt solent Reges vocari à Cæsaribus humanis) possit reddere suæ villicationis, & dominij rationem. Istud autem vt possit, opus erit sibi vita nobili, probata, & regia, siue honesta. Nihil autem aliud est vita honesta, quam hominē viuendo præstare brutis: & quantum

A

2

per

4 *Hon. Viu. Rat.*

per naturam fieri potest, habeat talem vitam, quæ sit Deo utcumque similis, quæ nulla alia in re consistit, quam in virtute. Virtus autem, est fugere vitia, & sequi honesta: id namque virtutis, & officium, & finis est. Per virtutem consistere vitam honestam, & Deo placentem, testatur D. Augustinus lib. 4. de Ciuit. Dei, c. 12. dicens, Virtutem esse artem bene viuendi.

Et Bapt. Mantuanus quid virtus sit, & quid profit homini, his verbis exprimit.

Virtutis quærimonia ex Mantuanano.

*Fortunæ domitrix ego sum, scelerum-
que flagellum.*

*Vtque hominem tuear, superumque in
tecta reportem*

*Incolumem, Stygias omncis demolior
arces.*

*Ars mea mortaleis ad Olympiæ regna,
Deumque.*

Hor.

Petri Carocci. S

*Hortari : monstrare vias , quibus itur
in altum*

*Aethera : sum medium dirimens iter ,
orbita recto*

*Limite , quo monstrantur adhuc vesti-
gia patrum .*

*Qua veteres cælo digni petiere Tonan-
tis*

*Limen , ubi nitidis sunt lactea flumina
campis .*

*Nescio delitias , nullum insidiosa vo-
luptas*

*Mecum fædus habet , mihi lis de limite
regni .*

*Cum vitij , multumque inter contra-
ria pugno .*

*Nanque meos inter regnum mihi conti-
git hostes .*

*Me labor assiduus validam facit , otia
frangunt .*

*Et quoties opus est armis , exterrita
nullis*

*Congredior , vinci , & succumbere ne-
scia : si quod*

*Pondus ab aduersis iniectum est casti-
bus , æqua .*

*Mente fero : ipsa hominem doceo , va-
rias-*

6 Hon. Vin. Rat.

riasque per aures

Erudiens, paucis dijs immortalibus annis

Per similem reddo; & tandem super æthera tollo.

Ipsa feros hominum docui componere mores,

Fons ego Castalius, Pallas ego: nomina plura,

Res eadem: non sum morbo confecta, nec annis:

Incorrupta, virens, immortalisque supersto.

Cælestes etenim nihil in me motibus orbes,

Sydera nil radijs possunt, nil lumine Titan.

Post igitur tantorum operum experimenta, fidemque.

Deseror ignotis errās in gloria campis.

Patrono mea causa caret, quia pectora plena,

Perfidia fastuque animos tollente superba

Sceptra scelus rapuit: positis custodibus omnis,

Scrutatur regni fines, aditusque tuetur.

Re-

Petri Carocci. 7

*Religio contempta iacet, spreusq; Deo-
rum*

*Cultus abit, tritaque fides iam pallida
veste,*

*Infirmis titubat pedibus: pessundata
legum*

*Maiestas: tot monstra pios immania
mores*

*Inuasere: silet probitas: pudor exulat
omnis.*

*Sed videt, & iusta librat Deus omnia
lance.*

*Et me (ubi tempus erit) ipse in mea
regna reducet.*

Vtinam nostro Æuo.

PLutarchus etiam apertius expri-
mit quid virtus doceat: ipsam
sub nomine Philosophiæ describens
in libro de educandis liberis, dicens,
per eam scire quid honestū sit, quid
turpe, quid iustum, quid iniustum,
quid diligendum, quid fugiendum:
quomodo parentibus, quomodo na-
tu grandioribus, quomodo pereгри-
nis, magistratibus, amicis, vxoribus.

8 *Hon, Vin. Rat.*

ac seruis vtendum sit; vtque deos veneremur, parentes honoremus, seniores reuereamur, legibus obtemperemus, magistratibus cedamus, amicos diligere oporteat. In mulieres seruare modestiam, charos habere liberos, non seruire cum seruis: & quod maximum est, in prosperis fortunæ successibus lætitia non effundi, nec in aduersis casibus tristitia deprimi; nec omnino voluptatibus esse deditos: nec ita per iracundiam effici, vt beluarum animos induamus, quarum natura est esse immanes: hominum autem est humanitatem, & pietatem colere.

Lucillius Poeta Virtutem sic descripsit.

Virtus Albine est, pretium persolvere verum.

*Queis inuersamur, queis viuimus rebus
adesse.*

*Virtus est homini scire id, quod quæque
habeat res*

*Virtus, scire homini rectum, vtile, quid
sit*

fit honestum.

Quæ bona, quæ mala, item quid inutile, turpe, inhonestum.

Virtus, quærendæ rei finem scire, modumque.

Virtus, diuitijs pretium persolvere posse.

Virtus, id dare, quod re ipsa debetur honori.

Hostem esse, atque inimicum hominum, morumq; malorum,

Contra, defensorem hominum, morumque bonorum.

Magnificare hos, his bene velle, his vivere amicum.

Commoda præterea patriæ, sibi prima putare.

Deinde parentum : tertia iam postremaque nostra.

Diuisio Virtutis.

SEcuudum Ciceronem primo Officiorum, quatuor sunt fontes virtutis, ex quibus aliæ scatent, & omnis oritur honestas : scilicet Prudentia, Iustitia, Temperantia, &

10 *Hon. Viu. Rat.*

Fortitudo. Quarum quatuor officia sunt diuersa, teste Macr. in lib. 1. c. 7. de somnio Scipionis, qui ipsis hæc adscribit munera, dicens.

Prudentiæ esse, cognoscere, & addiscere, quomodo omnia sint agenda: nihil velle quàm quod rectum est, neque facere humanis actibus, diuino ingenio prospicere: prouidere pericula futura, & ab illis sibi cauere.

Fortitudinis autem officium est, non timere pericula: nihil metuere, nisi turpia, forti animo tolerare aduersa, & prospera. Fortitudo præstat magnanimitatem, fiduciam, constantiam, securitatem, magnificentiam, tollerantiam, & firmitatem.

Temperantiæ est, nihil appetere poenitendum: in nullo legem moderationis excedere: sub iugo rationis cupiditatem domare Temperantiam sequuntur, modestia, verecundia, abstinencia, castitas, honestas, moderatio, parcitas, sobrietas pudicitia.

Iustitiæ

Iustitiæ est seruare , & conferre
vnicuique quod suum est . De Iusti-
tia nascuntur hæ virtutes , Innocen-
tia, Amicitia, Concordia, Pietas, Re-
ligio, Affectus , Humanitas . Cicero
primo officiorum , inquit Primum
officium Iustitiæ esse, vt nemo alteri
noceat nisi prius iniuria laceffitus .
Secundo, vt communibus rebus vta-
tur, tanquam communibus: proprijs
autem vt suis . Fundamentum om-
nis Iustitiæ est fides , scilicet dicto-
rum conuentorumque constantia, &
veritas . Lactantius lib. sexto, c. 10.
ait, duplex est Iustitiæ officium. Pri-
mum , coniungi cum Deo per reli-
gionem . Secundum cum homine
per misericordiam, & humanitatem.

His virtutibus , dicit Macrobius.

Vir bonus, primum sui, &
suorum, deinde Rei-
publicæ Rector
efficitur,

iustè ac prouidè guber-
nans humana , diui-
na non dese-
rens.

De virtutis, & vitæ honestæ præmio.

Vitæ honestæ siue virtutis, si quis officium, & præmium quaerit, sciat proprium eius officium esse duplex. Primò beare, id est, hominem facere beatum, post mortem, & in hac vita, ipsique Deo similem. Ideo Virgilius cecinit.

— Pauci, quos æquus amavit.

*Iuppiter, aut ardens euexit ad æthera
Virtus.*

Vel secundum Lactantium lib. 6. Officium virtutis est, iram cohibere, cupiditatem compescere, libidinem frenare. Secundò, suum alumnum omnium verè ditissimum reddit: adeò ut nullius egeat sed omnium habeat copiam, teste Plau. in Amphit. Comæd. sic dicente. Virtus omnibus rebus anteit profectò: libertas, salus, vita, res, parentes, & prognati tutantur, & seruant. Virtus omnia in se se habet: omnia ad sunt bona, quem penes est virtus.

Nullius

Nullius autem præmij vulgaris & quod ob omnibus datur, cupida est virtus, neque honoris, neque gloriæ, teste Sillio Poeta.

Ipsa quidem virtus sibimet pulcherrima merces.

Cui, & Claudianus Poeta hisce alludit versibus.

Ipsa quidem virtus pretium sibi sola, que latè.

Fortunæ secura nitet: nec fascibus vllis.

Erigitur, plausuue petit clarescere vulgi.

Nil opis externæ cupiens, nil indigæ laudis,

Diuitijs animosa suis, immotâq; cunctis

Casibus, ex alta mortalia despicit arce.
Horatius Od. 2.

Virtus repulsæ nescia sordidæ.

Intaminatis fulget honoribus.

Neque opes, vel diuitias defiderat in præmium: quia illis est longè nobilior, teste Horatio. carm. lib. 3.

Vilius argentum est auro, virtutibus aurum.
Ideo

14 *Hon. Vin. Rat.*

Ideo Macr. in lib. 2. cap. x. de som. Scip. inquit. Fructum, & præmium virtutis, homo sapiens in conscientia ponit: munus autem perfectus qui est, in gloria. Iubetque ibidem Macr. Vt si quis in Virtute perfectus fieri cupit, vt contentus sit in conscientia præmio, id est, quod scit virtutes, gloriam non requirat.



C A P. I I.

Quomodo sit acquirenda

VITA HONESTA,

siue

VIRTUS.



Onestam Vitam siue virtutem, qui assequi cupit, sunt necessaria. Primo, vt animum suū præpararet, quo dignus fiat virtute, & honestate. Secundò, vt discat quomodo animo iam præparato, Virtus sic adipiscenda. Præparatio animi fieri debet per tria: Scilicet per voluntatē promptam, quod scilicet voluntas eius sit, velle virtute proficere. Magnum nanque est calcar ad honestatem velle honestus fieri. Nihil difficile est volenti:
fienti,

cuti, difficilius nihil est. quam inuitum cogere velle. Ideò, & prouerbum est: Stultum est, canes inuitos ducere venatum: idest, compellere ad studiũ aliquod hominem inuitum, nolentem, & recusantem. Quare Comicus dixit: nihil tam facile est, quin difficile fiat, si inuitus facias. Lactantius libro primo init. Christianarum, dicit: Quòd virtus colenda est, non imago virtutis, & colenda est, non sacrificio aliquo, thure aut precatione solenni, sed voluntate sola, atque proposito.

Habita voluntate, & amore acquirendi virtutem, duobus alijs præceptis, & animus ille voluntarius fulciendus est, & præmuniendus, scilicet Patientia, & Abstinencia, vt patiatur multa, & abstineat à rebus præsertim voluptuarijs.

Opus est Patientia magna virtutem cupienti, vt patiatur tum aduersa, tum laborem. Patiatur aduersa, & vt Virgilius ait in libro 6. *Æneidos*, (*Non cedat malis: sed contra audentior eat.*) Nam secundum
Vale-

Valerium lib. sexto: (*Eneruos animos virtus odijſſe ſolet:*) id eſt, Virtus illos odio habet, qui ſunt animis timidis, ad nihil audentes, & nullius conſtantiae. Patientia, & Abſtinentia eſſe opus ad virtutem acquirendam, indicat Horatius hiſce verſibus

*Qui ſtudet optatam curſu contingere
metam,*

*Multæ tulit, fecitque puer, ſudavit, &
aſit,*

Abſtinuit Venere, & Baccho.

Prudentius quoq; ille Poeta Chriſtianus his decem verſibus oſtendit ad virtutem, opus eſſe patientia, dicens.

*Omniſus una comes virtutibus aſſo-
ciatur,*

*Auxiliumque ſuum fortis patientia
miſcet.*

*Nulla anceps luctamen init, virtute ſi-
ne iſta.*

*Virtus nam vidua eſt, quam non pa-
tientia firmat.*

*Deſine grande loqui, frangit Deus om-
ne ſuperbum.*

Magna

18 *Hon. Vin. Rat.*

*Magna cadunt, inflata crepant, tume-
facta premuntur.*

*Disce supercilium deponere, disce ca-
nere;*

*Ante pedes foveam, quisquis sublime
miraris.*

*Peranulgata viget nostri sententia Christi:
Scandere celsa humiles, & ad ima re-
dire voraces,*

De Abſtinentia.

Abſtinentiam etiam rerum vo-
luptariarum ad virtutem nan-
ciſcendam eſſe neceſſariam, per mul-
ti eruditi ſunt teſtati. Cic. lib. 4. no-
ue rhetoricæ, inquit: Qui nihil in vi-
ta habet iucundius vita, ſcilicet vo-
luptuaria, is cum virtute vitam cole-
re non poteſt. Valer. Max. lib. 4.
Quæ vrbs voluptati plurimum tri-
buit imperium maximum amiſit,
& libertatem tueri non potuit:
quæ autem laborare eſt delecta-
ta, imperium ſeruauit, & liberta-
tem alijs donare potuit. Lactantius
libro 6. cap. 13. ſcriptum reliquit;
quod

quòd triplex sit gradus virtutis. Primus est, à malis abstinere operibus: Secundus, à malis verbis; Tertius, etiam à cogitatione malarum rerum. Qui primum gradum ascendit, satisfactus est, Qui secundum, iam perfectus est virtutis, si quidem neque actis, neque sermone delinquat: Qui tertium, is verè similitudinem Dei consequutus videtur. Est enim penè supra humanum, ne cogitatione quidem admittere, quod sit, vel factum malum, vel improbum ductum.

Est igitur cuilibet virtuti studere volenti opus patientia, & abstinencia.

Patientia, ut aduersa, & laborem æquo animo ferat, otium detestetur, sudorem & laborem amplectetur. Nam Hesiodus Poeta dixit: Deos, virtutem posuisse in altum, arduum, ut per sudores multos, et anxios, eam quærere oporteret. Hinc Philosophi multi plus olei, quam.

quam vini consumpserunt , plurimum sudoris pertulerunt , parum vel nihil otij egerunt . Orium enim virtutem debilitat, labor ipsam confortat . Abſtinentia etiam opus eſt, vt à vitijs abſtineatur . Eſt nanque virtus , teſte Horatio , nihil aliud quam fuga vitiorum .

Animo ſic inſtructo , & præparato, ſcilicet ſpontanea voluntate, patientia , & abſtinentia , quis ſit modus acquirendi tum virtutem , tum honeſtatem , perſcrutandum eſt ab eruditorum ſcriptis, & in libris. Tradunt litterarum autores , præſertim Laertius in lib. de vitijs philoſophorum , quamlibet diſciplinam tribus rebus indigere , ſcilicet natura , documento , & conſuetudine , id eſt, Ingenio, Scientia, & Exercitio .

**His tribus ad virtutem
opus eſt .**

Ingenio nimirum acri, acuto , non agreſti, vel Beotico . Nam Plato dixit, ſapientem , id eſt, virtute præditum

ditum, nullum perfectum esse posse, nisi cæteris ingenio præstet, & artibus, ac prudentiæ partibus imbutus sit. Ingenio excellenti, & præstanti omnes, tot quot olim fuisse leguntur philosophi, ingeniis floruerunt. Hinc Lactantius dixit libro 1. duos esse gradus sapientiæ: Primus, falsa intelligere: Secundus, vera cognoscere. Omnis autem intellectus, & cognitio constat & fit ingenioposito, & compto. Idem Lactantius libro secundo ait: Quod Sapientiam sibi adimunt illi, qui sine vlllo iudicio inuenta maiorum probant, & ab alijs more pecudum ducuntur. Quare ingenio opus est, tum ad virtutem acquirendam, tum aliorum præcepta dijudicanda. Ingenio nostro, inquit Cicero in Tuscul. quæstionibus, innata sunt semina quædam virtutum: quæ si adolescere liceret, ipsa nos ad beatam vitam natura perduceret. Si innata sunt nostris ingenijs semina quædam virtutum, certum est ex ingenio tanquam thesauro progigni ipsas virtutes: per ingenium



nium ipsum virtutes, aut perscrutari quemlibet, aut à docente melius imbibere, & addiscere. Ideò veteres Philosophi in disciplinam, vel eruditionem suscipiebant nullum, nisi eius ingenium prius perlustrassent, & perscrutati essent: quod si obtusum fuerat, erudiendum non suscipiebant. Nam, vt refert Quintilianus cui ingenium deest, illi non magis profunt præcepta, quam sterilibus agris cultura: quantumvis colantur, fructum tamen non proferunt. Nulli tamen desperandum, cui ingenium contigit infæcundum, sed labor vehementior suscipiendus, & subeundus, quo tandem duricies ingenij vincitur, teste Quiutilian. lib. primo cap. primo. Præstat ingenio alius alium, sed ita vt plus efficere possit, aut minus: nemo tamen est, qui labore, & studio nihil sit consecutus. Et si non vt optimus quisque fieri potest, ideo tentare omittere non debet; nam vt Horatius inquit: Est quoddam prodire tenus, si non datur ultra, idest mediocrem facere
perfe-

profectum , etiam & laudatur , si
progredi non licet per ingenij ru-
ditatem .

Inter ingeniosum tamen , & inge-
nio carentem, duplex est differentia.
Prima, ingeniosus vltro, & veloci-
ter virtutem cōsequitur, instar equi
citati cursu, qui fræno retinendus
est . Rudis verò ingenio, similis est
equo, qui ad cursum calcaribus est
adigendus : sic ingenium rude labo-
re est acuendum . Hinc de Socrate
refert Quintilianus, qui duos habuit
discipulos, Ephorum, e Theopom-
pum, alterum ingeniosum, quem
dicebat egere frænis, alterum rudis
ingenij, cui calcaribus opus esse di-
ctabat . Secunda differentia, Inge-
nium nobile non diu durat, vel quæ
didicit, minimè retinet : vt præco-
cia illa poma citò putrescunt, sed
dura, & agrestia mollescunt serius,
at durant longè diutius . Ingenium
itaque durum labore etiam virtuti
adaptatur . Nam Erasmus inquit :
Eruditione mollescunt ingenia .

D.

De Disciplina , Scientia , siue
Instructione .

Post ingenium , & arte siue instructione opus est : non enim sola natura , vel ingenium sufficit, nisi, & instructio accedat , quæ quod à natura imperfectum est , perficit. Ideò inquit Cicero lib.3. nouæ rhetoricæ: Quod ars naturæ commoda confirmat , & auget . Deinde eadem rhetorica lib.4. refert Cicero. Vt æquus indomitus , quamuis bene natura compositus sit, idoneus non potest esse ad eas vtilitates , & artes , quæ desiderantur ab equo : ita neque homo indoctus , quamuis sit ingeniosus , ad virtutem potest peruenire , quoniam non potest virtus sine doctrina comparari .

Hinc quondam ducti Gentiles illi , scholas publicas erexerunt , primum Athenis vrbe Græciæ excellentissima tunc temporis , & alijs in locis , vt in ipsis iuuentus instrueretur , & scientia , & moribus probis , quæ
duo

duo sine instructione ægrè acquiruntur . Ideò Aristippus Philosophus indoctum , & literis non eruditum , saxo , & lapidi comparabat . Quæsitus autem quondam à patre quodam , quid filio suo prodesset , si literis instrueretur : respondit , etsi nihil aliud , saltem in Theatro non sedebit lapis super lapidem , non erit apud doctos tanquam lapis . Virtutem acquiri instructione sciebant Ethnici , qui Pædagogos domi habuerunt , sub quorum ferula ipsorum filij artes , & virtutē addiscerēt , id quod Atheniensibus vsque adeò religiosum fuit , vt legem statuerint : quod filij non deberēt cogi ad alendos parentes senio confectos , nisi in Iuuentute ab ipsis essent Præceptoribus ad instruendum commissi , & virtute imbuti . Ad virtutem acquirendam , duplici opus est instructione , Muta scilicet , & Viua . Mutam dant ipsi libri , qui leguntur , qui docent , sine vocis sono . Altera , quæ Viua dicitur , Præceptorum est , qui ore viuo proferunt , & infundunt

B præcep-

præcepta virtutis auribus adoleſcē-
tum. Plus tamen viua præſtat eru-
ditio, quam muta. Ideò veteres
quidam Philoſophi leguntur varias
terras fuiſſe emenſos, neque vllas re-
liquiſſe inacceſſas. Pithagoras, Em-
pedocles, Democr. Plato ad perci-
piendam virtutem nauigauère pere-
grè, hâc peregrinationibus ſuſceptis
inueſtigauère. Non contenti fue-
runt vmbratico, & lucernario ſtu-
dio, quod intra parietes habere
potuiſſent: ſed aliò ſe contulerunt,
vbi quid eſſet, quod diſcere dignum
exiſtimarent: vbi eruditos ſciebant,
non libros, ſed Philoſophos & in-
ſtructores litteratos eò accedebāt.

Quatuor autem præcipuè Aucto-
rum libri ſunt legendi; ſcilicet Poe-
tarum honeſtè ſcribentium, Histo-
ricorum, Philoſophorum, & Sacræ
Scripturæ.

Poetæ honeſti ad vitam hone-
ſtam vſque adeò conducunt, vt
olim Ciuitates Græcorum eruditissi-
mæ liberos ſuos in poetis primum
erudirent: ſolum poetas, ſapientes
eſſe

esse dictitantes. In poetis pueri virtute instruuntur, ut verissimè dixit Horatius in Epistolis

*Os pueri tenerum, balbumque poeta figurat.
Mox etiam pectus præceptis format amicis.
Instruit exemplis, inopem solatur, & agrum.*

Secundò, libri historicorum, qui nobis egregiorum heroum gesta, mores, & fortunas proponunt. Ex quorum vita laudabili bene viuendi modus acquiritur: & ex temeritate, aut infelici ipsorum casu cautiones fieri licet: id quod pulchrum est, aliorum insania frui. Ideo Diodorus dixit: Pulchrum est ex aliorum erratis meliorem instituire vitam nostram, & quid appetendum, fugiendumuè sit, ex aliorum exemplis cognoscere. Historia, inquit Beroaldus, ad id, quod honestum est, inflammat, detestatur vitia, probos extollens, improbos deprimens.

Tertio Philosophorum libri, qui de virtute præcepta dederunt. Ut sunt Ethicorum decem libri Aristotelis, Ciceronis tres libri Officiorum, Senecæ Philos. opera om-

nia, Lactantius de diuina institut.
 Erasmus de instituendo Principe
 Christiano, multique alij, qui honestum viuendi modum descripserunt.

Quartò, Sacræ Scripturæ libri, qui Deum agnoscere docent: quem agnoscere, vt Creatorem omnium, ipsumque esse vnum, & trinum in personis est vera hominis sapientia, vt inquit Lactantius lib. 2.

Q V Æ S T. I.

An paupertas non obstat Virtuti.

Non est quod quidam pauperes incusent, quò minus virtuti studeant. Paupertas namque olim vt inquit Apuleus Philosophis fuit vulgatissima. Et quisunque ad aliquod honoris culmen accersit, illum paupertas ab incunabulis est comitata. Paupertas antehac omnium ciuitatum fuit conditrix,

ditrix, omnium artium repertrix,
omnium peccatorum inops, omni
gloriæ genere onusta, summis in cœ-
lum ludibus apud omnes nationes
extollebatur. Hæc Apuleius. Si quis
igitur paupertate prematur, sequa-
tur Cleantem Philosophum, qui ino-
pia coactus, nocte aquas pretio hau-
riebat, vt interdium victum haberet,
quò commodius literis incumbere-
ret. Laboret etiam, pauper, dum
tempus est, vt mereatur unde viuat,
& virtutem comparet, quæ etiam,
& laborantibus manu aduenit. Hinc
Seneca dixit lib. de vita beata. cap. 7.
Virtutem in templo inuenies, in fo-
ro, in curia, pro muris stantem, pul-
uerulentam, coloratam, callosas

habentem manus, quo nihil

aliud videtur ostendere,

quam quod etiam

laboriosos ho-

mines

virtus adamet, & am-

plectatur

(?)

Q V Æ S T. II.

An sine doctrina possit
Virtus acquiri.

AT dicet fortasse aliquis: multi indocti sunt, neque unquam literas didicerunt, & tamen honesti viri habiti sunt, & habentur. Respondendum est, quòd utique multi ingenio optimo ducti sunt ad virtutem sine doctrina, teste Cicerone in libris Orationum sic dicente: Ego multos homines novi, excellenti animo, & virtute fuisse, & sine doctrina, naturæ ipsius habitu propè diuino per se ipsos, & moderatos, & graues extitisse vidi. Etiam illud adiungo sapius ad laudem, & virtutem Naturam multò melius sine doctrina, quam sine natura valuisse doctrinam. Atque contendo, cum ad naturam eximiam, atque illustrem accesserit oratio quædam, confirmatioque doctrinæ: tum nescio quid præ-

præclarum , atque singulare solere
existere . Hæc Cicero

De Exercitatione.

PRæter Ingenium , & Scientiam ,
exercitatione diligenti vtendum
est: alias nequicquam studeret quis-
piam pro virtute acquirenda . Te-
ste enim Cicerone tertio libr. nouæ
rhetoricæ. In omni disciplina infir-
ma est artis præceptio , sine summa
assiduitate exercitationis; tum vero
in memorijs minimum valet doctri-
na , nisi industria , studio , & labo-
re , & diligentia comprobetur . Et
Lactantius libro 3. inquit . Artes
ideo discuntur , non vt sciantur sed
vt exerceantur . Et Propertius
Scire tuum nihil est, nisi te scire hoc sciat alter.

Exercentur autem vel ad vitæ
subsidium , vel ad voluptatem ,
vel ad gloriam . Cicero in officijs
scriptum reliquit . Quod omnis
laus virtutis non in cognitione , sed
in actione consistat: idest , parum
est noscere, vel scire, quid virtus sit,

quid honestum, & quid vitiosum, nisi, & actu virtuoso virtutem ipsam approbemus.

Erit autem hæc exercitatio scientiæ cognitæ, vel auditæ pro virtute acquirenda,

EX quatuor illis libris, scilicet Poetis, Historicis Philosophis, & Sacra Scriptura, si fructum & commodum veræ virtutis, & honestatis cupimus, nos oportet, apum in colligendo melle sequi consuetudinem. Solent apes mel congerentes, varios circumvolitare flores, multos degustare flosculos, succi aliquid exugere, deinde nonnihil humoris fecum aduehere in aluearia, quod deponunt, & constipant in mel futurum: idq; sæpius faciendo, tandem multum coaceruant mellis, dulce laborum præmium. Non secus, & literarum, & virtutis quisque studiosus qui fuerit, & aliquando in
virum

virum euadere cupit, quadruplicem debet habere exercitationem; nam

Dulcia non meruit qui non gustauit amara.

Prima exercitatio est, ut quæ leguntur, non obiter percurrantur, quæ lecta fuerunt in librum raptitiū tanquam memoriæ custodem deponantur, quò melius illa suis temporibus in nostram aliorumque utilitatem possimus conuertere: deinde ut in sententijs quæ virtutis dant documenta diutius hæreamus easq; benè perpedamus, ac memoriæ imprimamus: quæ verò auditu percipiuntur, non minus ac lecta sunt recolligenda; Nam hæc egregium Virum decent; teste Cicerone primo libro veteris Rhetoricæ: quod sapientia sine eloquentia parum pro fit, Ciuitatibus: eloquentiam verò sine sapientia plerumque obesse, prodesse nunquam. Habebit autem quisq; studiosus libros raptitios duos, in quos audita, vel lecta excerptat. In vno, quod mores ad Virtutem instruat; in altero quod intellectum, ad disputandum acuat, vel linguam

ad eloquendum expoliat, scripta contineat. Instar auari thesaurum colligentis, qui diuersos habet Ioculos, in quos argentum leorsim, & aurum deponit. Hæc exercitatio fuit Plin. naturalis historiæ autori familiaris; vt scribit Plinius secundus, eius auunculus in epistolis, quod nihil legit, quod non exciperet.

Secunda exercitatio: excerpta, memoriæ includat, cogitetque se illis quandoque velle vti, teste Macrobio libro sexto *cap. 1.* Saturnalium dicente: Hunc esse optimum modum legendi, vel audiendi, imitari ea quæ in alijs probas: & quæ maximè miraris inter dicta aliorum, illa in aliquem vsum tuum conuertere. Id quod Latini inter se necnon & Græci excellentes facere solebant. Hæc Macrobius. Non enim illud est autorem aliquem audire, discere eius verba, vel orationes intelligere: sed ex suis scriptis sibi eloquentiam, & rectè viuendi modum colligere; sicuti non prodest

dest cibus corpori, ori, & faucibus impositus solum, nisi, & in stomachum descendat, & ibi concoquatur, & tandem in sanguinem, & carnem conuertatur. Ita neque lectio audita, vel lecta prodest, nisi in loquendi vsum, & aliorum subsidium conuertatur.

Tertia exercitatio hæc erit: vt in dies aliquam lineam ducat: exemplo Apellis Pictoris, qui esse verissimum illud iudicauit,

Nulla dies sine linea,

Nam quātumuis occupatus esset, ad minimū suis picturis quotidie quicquam affingebat, vel emendabat. Sic, & auari solent, qui indies nummum vnum seponunt, in futurum thesaurum. Parua nanique pupillis sæpe addita, multa tandem fiunt, teste Hesiodo Poeta,

Paruula sit tentas super adiecisse pusillis:

Idque frequens peragas, magnus cumulatur aceruus.

In hac exercitatione laborandum non est, vt in dies multa discamus: sed pauca sufficiunt dum docta &

bona. Ideo Apelles cuidam Pictori indocto, glorianti quod imaginem quandam subitò, & citò depinxisset, respondit: Non admiror illud: nam & multo plures tã ineptas imagines, citò pingere posses. Quare Catonis est sequenda sententia: *Sat citò, si sat benè*. Inde (*in Suet. in August.*) Augusto Cæsari adagiũ fuit: *Matura lentè*: id est festina lentè in opere, idest, prudenter non nimium; vt etiam commune illud axioma profert;

Quicquid agas prudenter agas, & respice finem.

Plus enim prodest, progressus parum velox, & prouidus, quam velocissimus sine arte, & ratione.

Quarta, & vltima exercitatio, vt ad Vesperam per diem audita, vel lecta, repetantur: quod mori Catoni fuisse dicit Philelphus libro 2. de puerorũ educatione: & Apuleius scribit de quibusdam in India, qui vocabantur Gymnosophistæ, qui neque terram colere sciuerunt, neque agros arare, neq; equos doma-

re, nec taurum subigere, nec ouem
tondere: tamen mirum in modum
sapientiam colebant, & Magistri se-
nes, & discipuli iuniores, nihil tam
odio habentes, quam animi torpo-
rem, & otium. Postquam mensa
erat strata, priusquam edulia appo-
nerentur, omnes Adolefcētes ex di-
uersis locis, & officijs ad dapes cō-
nueniebant: tum Magistri rogabant
eos, quid boni à lucis ortu, ad illud
tempus fecissent. Tum vnus com-
memorabat se inter duos fecisse pa-
cem, & concordia: alius parenti-
bus quippiam imperantibus obedi-
uisse: alius meditatione se aliquid
excogitasse: alius quidpiam se didi-
cisse, & similia. Qui autem nihil
afferre vel dicere potuit: foras im-
pransus ad laborem extrudebatur.
Hæc Apuleius: Sic & Studiosus quis-
que ad vesperam apud semetipsum
sequatur ouium naturam, quæ ve-
speri in stabulis, è pascuis pulsæ,
ruminant, id est, rursus edunt, &
dentibus conterunt pabulum in die
decerptum; simul, pastori suo lac
præ-

præbent. Sic, & studiosus virtutis, lecta, vel audita, vesperi repetat, tam quæ ad eloquentiam, quam quæ ad virtutem conducunt. Secundò, ea ipsa in lac vertat: id est, in vsum utilem, & honestum suæ vitæ usurpet, & erga alios exhibeat id, in quo profecit: sicuti oves suo pastori se ostendant lacte per diem gramina se corrosisse, nō otio diem transegisse. Proderit, & hoc non parum, imò maximè præcipuè cū placet cum alio discertare quisnam in eloquētia, & virtute maiore progressū fecerit. Tum enim quisque experitur, quid sciat, quidque nesciat, dum cum alio se confert. Ideo scribit Suetonius in libro de Illustribus Grammaticis, quod olim in Scholis Literarijs hic mos fuit, vt Scholastici ante meridiem in inuicem disputarent: sed post meridiem sepositis libris declamarent.

CAP. III.

Quid in omni ætate agen-
dum secundam
rectam

HONESTATIS LEGEM.



Virtutis, siue Honestatis Vita
duabus cōplectitur Regu-
lis scilicet ornatu sui ipsius,
& Honesta erga alios actio-
ne; teste Macrobio, in somnium
Scipion. lib. 1. cap. 7. Quod per vir-
tutem vir bonus reddatur primū
sui ipsius Rector, deinde Reipubli-
cæ, Primum decet seipsum regere,
& rectè instituere, vitā priusquā aliū
doceamus. Hinc quæsitus Thales
Milæsius Philosophus, quis verè Rex
esset, respondit, *Qui seipsum regit.*
tecum habita, vt noris quam sit tibi
curta supplex. Quomodo autem doceat

ceat per virtutem instruere, aut regere seipsum sedulo opera danda est, vt sequentia vberius demonstrabunt.

Sex praecepta seruanda illi, qui seipsum Honestè, & instruere, & regere vult.

Primum praeceptum, discat tacere, iuxta illud,

Audi, Vide, Tace

Si vis vivere in pace.

Vnde colligitur Silentium plus admandum esse, quam loquacitatem. Taciturnitas enim prudentem virum indicat: sed garrulitas stultum. Tacendo (inquit Macrobius Saturnal. lib. 7. cap. 1.) Philosophus, non minus philosophatur, tacendo quàm loquendo, id est, nō minus est signum sapientiæ tacere, quam loqui. Hinc, vt ait Apuleius, Pythagoras primum hoc nomine Philosophus vocatus, nihil prius docuit Discipulos suos, quam tacere: prima-

maque eius instructio discipuli futuri sapientis, erat linguam coercere, & verba premere intra vallum dentium. Socrates quoque interrogatus à quodam, quomodo quis sapiens fieret; duo præcepta ipsi dedit: Primū, vt taceret sæpius, quam loqueretur, alterum, vt loqui disceret. Tacendum est sæpius, quam loquendum, patet per tria signa.

Primò, per naturam, quæ contulit homini os unum, & aures duas, vt minus loqueremur, quam audiremus.

Secundò, per veterum Romanorum consuetudinem: solebant enim Romani pingere Angeronā Deam Silentij ore fera obsignato, & Aegyptij Harpocratem Deum silentij depinxerunt, duobus digitis os occultentem.

Tertiò, per antiquorum Philosophorum doctrinam, qui nihil usque adeo damnabant in homine, quam multiloquium dicentes; ideò naturam dedisse homini dentes, & labia ante linguam, vt ipsam comprimerent,

rent, ne nimium effutiret. Ideo Xenocrates Philosophus quæsitus de suo silentio respondit: Se numquam pænituiffe, quod tacuiffet, fed per fape quod locutus fuiffet.

Secundum Præceptum benè loquatur, quæ loqui decent, non mendacia, aut ficta; Nam qui audet loqui ficta, & non vifa, niger eft, teffe Horatio. Neque ea verba, quæ, vt Plinius inquit, deberent iterum a loquente repeti, ipfi nocerent: vitentur etiam verba detractatoria, quibus aliorum fama læditur: non reuelenda verba arcana, aut fidei commiffa: proferantur ea, quæ honefta funt pudica, vtilia, & vera. Cætera omnia tacenda funt virtutis cultori. Ideò Ouid. dixit.

*Eximia eft virtus præftare fientia rebus:
Et contra gravis eft culpa, tacenda loqui.*

In loquendo igitur hæc lex eft feruanda: vt locuturi animaduertamus, an quæ loquimur feruiant loco, tempori, & præfentibus. Secundò loquendum eft, quando fientium

tium aut nobis , aut alijs est nociturum . Tertiò præcauendum ne in loquendo niminm simus impetuoſi , nimiumque celeres , ſed modeſti , & ingenioſi ne alicui iniuria fiat . Sermonem liberaliter accipiamus & officioſè reddamus, ſicque in omnibus rebus certus modus obſeruetur, vt neque agendo , neque loquendo , quemquam offēdamus: vt nobis declarat Terentius in Adria, Scena prima, His uerbis, Id arbitror apprimè in uita utile eſſe . Vt ne quid nimis , id eſt , mediocritas ſeruetur . Hinc eruditi dixerunt : Virtutem in medio poſitam , accedit authoritas Horatij .

*Eſt modus in rebus , ſunt certi denique fines :
Quos ultra , citraque nequit conſiſtere rectum .*

Virtus conſiſtit in mediocritate , & in exceſſu vitium eſt ſitum . quare in omni re mediocritas , & modus laudatur ; exceſſus ſemper vituperatur . Inde Heſiodus Poeta dixit ; dimidium plus toto , id eſt , plus laudatur in rebus mediocritas , quam
ipſa

ipsa nimietas . Nam & vulgi pro-
 uerbum habet . *Omne nimium in*
vitium vertitur . Cleobulus Lyndius
 vnus è septem Sapientibus Græciæ ,
 dixit . *Optimus est modus in re qua-*
libet .

Quartum præceptum , Vitet , &
 fugiat illud , quod ipse in altero car-
 pit, testimonio Diogenis Philosophi
 dicentis . *Si vis bonus, & virtute præ-*
ditus effici ; expelle à te , quod in alio
despicias ; & Cicero dixit : Omni ca-
rere vitio debet ij , qui in alium para-
tus est dicere vitium ; facillime autem
& accerrimè aliorum cernimus crimi-
na , sed nostra ignoramus, & celamus,
nam .

— *quisque suos patimur manes.*
 Si quis in seipsum descenderit , &
 secum perpenderit qualis ipse sit ,
 animo nempè iuxtà vitioso , tum
 cessabit mordere alium , & prius
 seipsum à vitijs purgabit , virtuteq;
 ornabit . Ideò SALVATOR NO-
 STER IESVS CHRISTVS in Euan-
 gelio 7. Matth. Ad virtutem nos
 hortaturus, iussit : vt prius ex ocu-
 lis

lis nostris trabem ejceremus ; tum
deinde alteri festucam ; nos prius
curaremus nobis medicari , tàm
alijs .

Quintum præceptum , vtrunque
fortunam ferre discat , prosperam ,
• scilicet , & aduersam ; non nimium
exultet in fortunæ prosperitate , ne
subito mutata fortuna , ipsum ni-
mium perturbet , & contrestetur ;
neque in aduersitate nimium do-
leat , exemplo Socratis , qui in vtra-
que fortuna , eodem vultu , & animo
fuisse legitur . Ideò , & Plato olim
quæsitus , per quod homo sapiens
agnosceretur , respondit . Homo sa-
piens cum vituperatur , non exan-
descit , nec extollitur nimium cum
laudatur . Virtus nanque superbiam
nescit , quia vitium est , neque de-
spirationem , & Iram admittit , quia
etiam vitia sunt . Quare vulgò est
proverbium . *Qui Homo in aduersis
rebus pusilli est animi ille nauci non
est* . In vtraque igitur fortuna pro-
spera , & aduersa , sequenda est
consuetudo cuiusdam Philosophi ,
qui

qui in rebus prosperis tristabatur, sciens post læta ventura tristitia; In rebus aduersis lætabatur, certus post malum sequi bonum. Nam mutabilis est fortuna, & oritur post nebula Phœbus. ita & nos in prosperitate cogitemus tristitiam aliquam sequenturam, & in aduersitate lætitiam. Nam teste Plauto in Amphitri. Ita Dijs visum est, voluptati vt mæror comes subsequatur. In aduersis ita cogitemus illud Virgilij, *Dabit Deus his quoque finem*; & pariter istud.

— *olim meminisse iuuabit*

Sextum, & vltimum præceptum; qui honori consultum vult cum bonis ambulet, id si fieri non possit, quia aut non nosti aut alia de causa, solum te esse atque ire, quam cum malis est optatius; deinde eorum appete consortium ex quo fructum colligere potes, quibus placere maxima & laus, & virtus est nam qui illis placet: eum oportet quoque aut bonum esse, aut saltem fieri. Boni namq; non nisi bonos amant, & ma-

li malos, iuxta illud. *Cum bono bonus eris, & cum peruerso peruerteris.* Debere autem illum laborare, vt bonis placeat, qui virtutē exoptat, liquet ex Seneca, dicente: Aliquis vir bonus eligendus est nobis, ac semper ante oculos habendus, vt sic viuamus, tanquam illo in spæctante. facile enim ille bene viuet, & secundum virtutem, qui ad voluntatem, & regulam, vel in conspectu bonorum viuit eorumque consortio utitur, non secus ac ante speculum mulieres se se ornantes, tandē venustissimè ornatae prodeunt in publicum.

De diuersarum Ætatum, moribus, & Virtutibus.

Virtus, sine Honestas, hominem decet, & ornat; est tamen iuxta ætatem distinguenda. Nam Prouerbiū est: *Alia vita, aliam dietam, alios mores postulat.* Non enim eadem conducunt pueritiæ, quæ adolescentiæ, deinde alia compe-
tunt Iuuentuti, alia Militati, alia
Senectui-

Senectuti, alia ætati decrepitæ; Vt enim ætate mutatur natura: Ita & cum ætate mores sunt variandi; Sunt autem quinque statum differentia, scilicet Adolescentia quæ subse continet Infantiam, Pueritiam, Pubertatem, & Adolefcentiam speciatim dictam; Inuentus, Ætas virilis, senectus, & ætas decrepita, quarum quælibet habet sua officia, & mores, vt sequitur.

DE ADOLESCENTIA, & Primo De Infantia.

Infantia prima est ætas hominis post natiuitatem; sic dicta, quod nō fari potest. Illi nulli possunt mores præscribi, siue virtutis, quia nondum est rationis compos, neque linguæ habet vsum, neque intellectu vtitur. Ideo solum nutricis, siue matris instructione viuat, oportet.

Sequitur Pueritia, quando, scilicet

licet Infantes loqui incipiunt , non dum habentes plenū rationis vsum . Dicti sunt Pueri fortè à Bua , id est , potione puerili , quam Buam vocant , verba prima proferentes imperfectè , sine prudentia , ratione , & intellectu . Hi sunt docendi per parentes , vt honestè viuere incipiant : hisce moribus , scilicet vt Deum agnoscant , & colant , tanquam Creatorem omnium , honorem debitum conferant Diuæ VIRGINI Mariæ , & Sanctis , tanquam intercessoribus , & Patronis , vt optime Consulit Hermannus Buschius in carmine , quo hortatur pueros ad virtutem . Sint obedientes Parentibus , senes reuereantur , à ludo , & prauorum consortio absint , ne vitijs maculentur , priusquam ratione rectè uti inceperint , quo nihil potest esse odiosius , teste Apul. Puerum quis non oderit , cum uideat ipsum uelut monstrum quoddam , prius robustum , & scelere plenum , quàm ætate ; prius nocentem crimine , quam corpore poten-

C tem ,

tem, paruum annis, sed magnum malitia; nondum tamen perfecta prudentia, in puero potest exigi, aut haberi, cum in ipso dominetur mentis imbecillitas. Ideò, & puppis ludit, & equitat in arundine ob id tamen ei indulgendum nimium non est, nè ad vitia inclinetur, & flectatur, semperque morbidus maneat. Nam quod teneris in annis imbibitur, vsque ad sepulchrum retinetur, quod agnoscens Horatius dixit.

*Quo semel est imbuta recens servabit odorem
Testa diu* —

Quare instruendi sunt diligenter in his præceptis, vt tradit Philelphus lib. 8. de educatione liberorum, scilicet vt Deum colant, obedientes sint, & in verbis, moribus, corpore, ac vestibus ornatum habeant. Non sint loquaces, non mendaces, non pigri, non immundi, sed modesti, sed agiles, lepidi, vestibus bene ornati.

Septimum annum vbi attingerint Pubertatis ingrediuntur limitem; atque adeò rationis fiunt capaces;

paces; vnde Præceptoribus committendi; vt moribus, & virtute imbuantur. In hac ætate fugienda est, secundum Quintilianum lib. 1. cap. 3. mollis educatio. Educatio enim illa mollis, inquit, corrumpit & corporis, & ingenij neruos. Quid igitur adultus faciet, qui in purpura repserit? Delicatè autem in ista ætate qui aluntur, omni in vita lautitias expetunt: quas si consequi nequeunt, quantum cupiunt, laborant per fas, & nefas suo palato delicatè satisfacere; & tandem in otium, ludum, & furtum, ac omne malum ruunt. In hac ætate Pueri Romanorum Bullam, quam in collo gesserunt ab Infantia, foribus suspenderunt in templum, tanquam pueritiæ renuntiantes, & in posterum exuere volentes mores illos, quos pueri habuissent.

Suxcedit Adolescentia speciatim dicta, quæ incipit à decimo quarto anno. In qua altioribus scientijs instruuntur, in hac ætate viribus fiunt apti, vt parētibus oppituletur, expedire nanq; possunt negotia cōmissa,

§ 2 *Hon. Vin Rat.*

& ad labores nonnullos ferrè opē ,
& manum admouere . In hac ætate
apud Romanos toga Alba , & Can-
dida induebantur , cum purpura
prætecta , vel præposita , in exem-
plum Vitæ candidioris , melioris , &
honestioris , vt togæ albedinem aspi-
cientes , fugerent vitia , quæ animos
denigrant , & alijs odiosos reddunt ,
purpuræ splendorem videntes , co-
gitarent , & conarentur , vt sic eorum
splenderet vita honestis moribus ,
quo omnibus grati existant .

Erunt autem hæc officia Adole-
scentum , In primis Deum venerari
Orationibus , & corde puro . Dein-
de Parentes ; proximè Præceptores .
Illis tribus auscultare , ac fugere quæ
prohibent , exequi quod præcipiunt .
Dei mandata discant , audiant , quæ-
rant , & exequantur . Quod autem
tribus his obsequendum sit Adole-
scenti facile patet . Nam ab ipsis
pendet vita nostra , à Deo animam
accepimus , à parentibus corpus , à
Præceptoribus animæ instructionē ,
per quam vita nostra differt à bru-
tis.

tis . Ideò vt simus grati, ipsis est obsequendum .

Hæc ætas dicitur Ephæbia, quia illis annis imberbes sumus, sicuti olim Rhæbus , id est Apollo in templis Gentilium stabat sine barba , vt ait Valer. Max. in lib. 1. De neglecta Religione , de Dionysio Tyranno Siracusano. Hoc tempore homines pollent viribus valent ratione , inter virtutem, & vitia discernere possunt, magis tamen ad vitia flectuntur, quam ad Virtutem .

Nitimur in vetitum semper cupimusq; negata.

Actum prius cognoscitur cuiuslibet natura , ad quid scilicet inclinatus sit : Nam antea agnosci non potuit , propter ætatis imprudentiam ; Facti enim Adolescentes (vt inquit Terent. in And.) Animum ad aliquod studium applicare . equos alere , canes aduenerandum , præparare , & Philosophorum nodos , argumentaque intelligere , ac enodare incipimus ; His etiam Horatius consentit in Arte Poetica .

Imberbis iuuenis , tandem custode remoto,

*Gaudet equis canibusq; & apici gramine capi.
Cereus in vitium flecti, moritoribus asper,
Vtilium tardus pronisor, prodigus aris,
Sublimis, cupidusque, & amata relinquere
pernix.*

De Iuuentute.

S Væcedit Iuuentus, quæ secunda
ætas est, Incipit ab anno decimo
octauo. Anno autem decimo octa-
uo primæua crescit barba, & tum
dicuntur Iæx Adoleſcentia Ephæbea
excedere. In omne genus vitiorum
hæc ætas hominem præcipitat, in
otium, ludum, inobedientiam, cra-
pulam, luxuriam, ſcortationem, ſu-
perbiam, prodigalitatem. Sua ina-
niter dilapidant, nihil ſoliciti poſte-
ræ vitæ, vt omnes teſtantur Come-
diæ; quæ nihil aliud de Iuueni-
bus dicunt, quam quod ſua
fornicibus, & con-
uiujs infun-
dunt.

Quomodo à parentibus, vel
Præceptoribus Iuuenes sint
ad virtutem, & honesta-
tem ducendi.

CUm igitur hæc ætas præter
omnes alias ætates maximè ad
vitia sit proclivis : in diesque magis
in ipsa excitetur libido, instar iunio-
rum hinnulorum, quos iuventus ti-
tillat : ideo sunt frænandi Iuuenes,
aut à parentibus, aut à præptori-
bus, non se cus ac equi indomiti ab
inseffore calcaribus domantur. Qua-
tuor autem præceptis, parentes, vel
præceptores ipsos adolescentes ad
bonam frugem ducere debent; sci-
licet, instructione, monitione, pro-
missione: vltimò blanditijs, & minis.

INSTRUCTIO Sex constabit
præceptis.

PRimò doceantur Iuuenes, Deum
esse adorandum, & venerandū

in primis, & ante omnia: qui cuncta creauit, pascit, & conseruat: nihil mali impunitū relinquens, nihil boni irremuneratum: bonis dans præmium æternum, malis supplicium perpetuum: sine ipsius gratia, & fauore, nihil posse nos homines, neque momentum quidem viuere: ideo cauendum, ne peccatis ipsum offendamus.

Secundò, Non esse confitendum in bonis terrenis, præsertim non in corporis pulehritudine. Nam forma corporis est admodum fragile bonum; ideò Virg. dixit Eclo. 2.

O formose puer, nimium ne crede colori.

Alba ligustra cadūt, vaccinia nigra leguntur.

Neque doleant, si corpore sint deformes: sed laborent, vt pulchri fiant animo. Nam, vt inquit Franc. Petrarca, in libro de aduersa fortuna. Pulchrius est pulchrum fieri, scilicet scientia, & Virtute: quam pulchrum nasci, scilicet corpore. Hoc præcepto Socrates instruebat suos discipulos, iubens eos sæpe inspicere speculum, vt si viderent se
cor-

corpore formosos, laborarent animo corpòris formositatem adæquare. Corpus enim animum concludens inquinatum sepulchrum est prætiosum, & venustum continens cadauer putridum. Ideò CHRISTVS, in Euangelio Matth. 23. Phariseos vocabat sepulchra dealbata: quod apparerent religiosi, ac boni, sed intus lupi essent rapaces. Sin corpore essent deformes, iussit Socrates, vt, & animi quærent pulchritudinem scientia, & virtute, tanquā nobiliorem longiusque durantem, quam corporis formam.

Tertiò, Neque in diuitijs, opibus, siue pecunia spem ponant: sed in sola scientia, ac virtute, confidant se diuites, & felices futuros: nam solum doctum, & sapientem verè esse diuitem, Diuitias perire citissime; multos nanque quondam fuisse ditissimos: sed breui tempore, factos esse infortunatissimos, vt legitur de Cræso rege Lydorum opulentissimo. Diuitias non esse dignas, vt amentur, tanquam bona

pretiosa . Nam Cicero refert quarto libro nouæ Rhetoricæ , si voles diuitias comparare cum virtute: vix satis idoneæ erunt , vt sint virtutis pedisseclæ siue ministræ . Ideò Iuuenes , dum ingenium viget & ætas , comparent sibi viaticum ad senectutem , scilicet virtutem , & scientiam . Per illa enim in senio acquiritur honor , Salus , Laus , & Virtus , Quare Thales Milesius Philosophus olim quæsitus , quid Iuuenes discere deberent , respondit : Illa quibus in senio essent vsuri indicans Virtutē , & Scientiam .

Quartò , quicquid nocere alijs viderint , vel alios vitare , illud ipsi fugiant , & per aliorum damna , sapere incipiant , & vitam suam in melius conuertant , ac instituant . Quæ autem alias vitant , & alijs incommodant , sunt hæc , Inobedientia , Mendacium , Garrulitas , Infidelitas , Improbilas , & Lûdus , vbi magno pretio Luditur , Scortatio , Ebritas , Prodigalitas , Otium , & prauorum Societas .

Quin-

Quintò proponantur ipsis exempla bonorum, & malorum hominū, & dicatur vita & finis ipsorum: malos malo esse donatos præmio, bonos autem bono. Hinc veteres Romani Iuvenes in principio Iuuentutis induebant toga virili, vt paulatim inciperent, ac tenderent ad vitam viro honesto dignam: deinde ducebantur ad publicum forum, nimirum vt agnoscerent, & viderent communem hominum vitam esse duplicem, Vitiosam scilicet, & Virtuosam: Vitiosam malum sortiri exitum, & finem, sed virtuosam, primò esse arduam: tandem tamen præmio donari bono, & perpetuo. Ideò Hercules quondam factus Iuuenis elegit seruire virtuti per laborem, sciens post laborem sequi præmium, quam vitijs seruire per otium vt de ipso scribit Cic. 1. offic.

Sextò, exerceantur labore, & fatigatione; non otio dediti esse patiantur, ne in libidinem in honestam cadant. Nam testante Ouidio

Queritur Aegisthus, quare sit factus adulter,

*---In promptu causa est defidiosus, erat.
idem*

Otia si tollas, periere cupidinis artus.

Ideò veteres Romani suos liberos exercebant dimicando, pugnando, natando, & omni alio exercitiorum genere. Quamobrem Iuvenes indefinenter, ac indefesse in artibus liberalibus sese exercent; mutuo ad disputationem in quadam scientia, promoucant: hic disputationem sustentet, ille doctis implicitisque tricis contra conclusionē sustinendam opponat: Quibus placet venatio, canibus bene cōsulant; quibus equitatio, equis bonum apparatus applicent, sæpius stabula adeant, ne quid desit videant. His, & similibus exercitijs otia facillimè superabunt iuvenes, & omnem membrorum torporem excutient, & se ad viriles labores suscipiendos facilius inclinabunt, & tandem sic Deo, Hominibus, ac libimet ipsis vitam gratissimam perducent.

De Monitione.

SEcundò Tenentur ex lege tum
 Diuina, tum Humana Parentes,
 & Præceptores admouere Iuuenes
 dum eos in errore deprehendunt,
 vel percipiunt illos aliquid perpe-
 trare, vel perpetrasse, quod hone-
 statis legibus repugnat: idq; primò
 verbis, ac rationibus, quibus ad vir-
 tutē perducī, & à vitio auocari pos-
 sunt, sed quandoquidem iuxta illud
 vulgare prouerbium,

Verba trahunt exempla mouent —

Etiam exemplis vtendum est, osten-
 dendo Proauos, Cognatos, Agna-
 tos, imò parentes ipsos semper vir-
 tutis fuisse amatores, vt bene Æ-
 nea 12. Aeneidos ad Ascanium pue-
 rum suum, dixit.

*Disce puer virtutem ex me verumq; laborem;
 Fortunā ex alijs, numen te mea dextera bello
 Defensū dabit, & magna inter premia ducet.
 Tu facito, mox cū matura adoleuerit ætas,
 Sis memor —*

Adiungantur non vnquam exem-
 pla

placitorum qui bene agendo summum honoris culmen ascenderunt qui vero secus, qualem quantamque incurrerint ignominiam notam: Ut sic visis aliorum honoribus ad illos imitandos alliciantur, & perspectis est contra aliorum, qui scelera perpetrarunt, calamitatibus ab ipsis vitiis abhorreant.

De Promissione

Tertio, Promittatur eis, se magna accepturos premia, & a nobis & ubique, & semper, si virtutem fuerint secuti, ut in Epistolis inquit Horatius.

*I bone quod virtus tua te ducit, i pede fausto,
Grandia laturus meritatum premia.*

Pergite o Iuvenes, quod virtus vos ducat, magna accipietis virtutis premia: omnia enim adsunt illi, qui virtutem habet teste Plauto in Amphitr. Omædia.

De Blanditijs, & Minis.

Sicuti pisces hamo capiuntur, ita homines blanditijs, & quam maximè hæc ætas inter quas blanditias laus magnopere excellit: Nam ubi vident se laudari maius accipiunt ad virtutem calcar, quod benè in 5. Trif. testatur Ovidius.

*Deniquè non paruas animo dat gloria vires,
Et secunda facit pectora laudis amor.*

Omnis enim, vt inquit Cic. trahimur, & laudis cupiditate, & amore. Quintillianus quoque iubet laudare Iuvenes, saltem ad bonam frugem proficientes.

Sin desides fuerint ad virtutem, & honestatem amplectendam, neque pia audierint monita tum minis agendum est: deinde, & verberibus, testimonio Cic. lib. 4. nouæ Rhetoricæ, sic dicentis. Qui Inuenum peccatis ignoscendum putant, falluntur: propterea quod ætas illa non est impedimento bonis studijs, apti sunt ab bona discenda, non minus quam

quam mala. At hi sapienter faciunt, qui iuvenes malè volentes maximè castigant, vt ijs, quibus omnem vitam possint tueri, ea in ætate Iuuenili sibi comparent. Talia Cic.

De Iuuenum officijs.

Iuuenum officia sunt varia. Primò deliberare debent de vitæ statu eligendo, cuius per totum vitæ decursum fruges colere possint, debent autem homines inquit Seneca. Viaticum senectutis literarum eruditione parare discendo ne defecerint insipienti animo: literas tanquam baculum infirmo corpori repertas esse: eundem esse finem discendi, qui & viuendi exemplo Herculis, qui in Iuuentute simile fecisse legitur: & more Romanorum, qui Iuvenes ineunte iuuentute, in forum publicum ducebant indutos toga virili, vt nuces spargere inciperent, quibus diù lussissent: exuerunt prioris ætatis stultitiam auspicarentur vitam, quæ
homi-

hominibus commendaretur. Oportet enim hominem viuendi honestatem non excedere cui inter homines vita agenda est; sed inter deliberandum præ omnibus obsequantur inspiranti Deo; *Sapiens corde est, & potens robore: quis resistit ei, & pacem habuit?* Iob. 9. Deinde ea quæ inspirata sunt sciat esse secundum Dei voluntatem, *Voluntas autem Dei est salus, & Sanctificatio nostra*, nec tantum qualiscunque, sed certior, sed abundantior. 1. Thes.

Secundò, teste Cic. 1. Officiorum est, maiores natu vereri, & ex illis eligere optimos, & probatissimos, quorum consilio, & honestate suam instituant vitam. Temperet sibi à libidine, & omni stulta cupiditate: exerceat se labore, & patientia animi, ac corporis, vt & in bellicis, ac ciuilibus officijs fiat aptus, & cum animum recreare vult, & dare se iucunditati, caueat intemperantiam; recordetur verecundiæ, non sit nimis prodigus, & lasciuus, sed verecundus, præsertim in illis rebus

rebus in quibus vult adesse natu-
maiores. Hæc Cic. Præterea in lo-
co, & tempore cogitent iuuenes, se
homines esse. Adeoque bonos mo-
res ipsis cōuenire cogitent se ætate
esse prouectiores, quam pueros, vel
adolescentes, & propterea caueant
puerilia tractare: ne ætati suæ iniu-
riam inferant, recordentur denique
se neque viros esse, neque senes, vt
non imaginentur, se omnem disci-
plinam superasse, nullaque indige-
re instructione.

De Ætate Virili.

Tertia ætas dicitur ætas Virilis,
dum iam matura, ac adulta est
in homine ratio, sic vt aliorum con-
silio non facile egeat. Hæc est sola,
& vnica ætas virtuti, & honestati
plus accomoda; nam, & ratione
viget, & corpore valet. Ab huius
ætatis nomine nempè à viro, primi-
tus est virtus denominata. Dum
enim huic voci, *Vir*, additur sylla-
ba, *tus*, fit dictio *Virtus*. Sortita au-
tem

tem est nomen *Virtus* à Viro, eo quod solus Vir aptus sit minister, & cultor Virtutis, eumque solum præ omnibus in omni perfectione deceat.

• De Viri Honesti Vita.

Viri vita tota honesta esse debet, & omni virtute onerata, nam non agit vitam verè honestam ille in quo non omnes virutis simul concurrunt, sed aliqua deficit; sit igitur Vir Prudens, Iustus, Temperans, & Fortis. Prudens sit, vt prudentè quelibet agat, verborum, & factorum recordetur præsentia rectè disponat, futura præmeditetur, & præuideat iuxta illud.

Quicquid agas, prudenter agas, & respice finē.
Nam turpè est, vt inquit Cic. post finem dicere: Non putaram. Ideo Terent. in Adelphis dixit. *Istud est sapere, non quod ante oculos est solum videre, sed quæ futura sunt, prospicere.* Temperans sit in omnibus rebus, scilicet modum seruans; Modestus, pudicus,

pudicus, moderatus, parcus, & sobrius.

Fortis, sit non corpore, sed animo, non timidus, & pupilli animi, in aduersis rebus, non desperet, nec succumbat; non commoueatur subito, aut perterreatur, sed magno sit animo, vtcunque res ceciderit. Præsertim tamen cupiditatem, & iram frænet. Non stulta cupiat, vt pueri; iratus, nihil faciat. Ideò Plato quondam quæsitus, *Quis hominum esset fortior?* respondit, *Qui propriam iram vincere potest.* Nam

Fortior est qui se, quam qui fortissima vincit
Mania —

Insuper Vir honestatis cupidus, hæc duo obseruet præcepta. Primum curet vt talis sit, qualis haberi cupit. Nam teste Cic. 2. offic. Socrates quondam dixit; *Breuem esse viam ad gloriam, si quis studeat talis esse; qualis haberi vult ab alijs.* Secundum, laboret, ne famam perdat, ex hoc præcepto Ouidij.

Omnia si perdas, famam seruare memento,
Qua semel amissa, postea nullus eris.

Vt

Vt autē quilibet hoc possit, sequatur
hoc præceptū Horatij in Epistolis.

*Inter cuncta leges, & percontabere doctos,
Qua ratione queas traducere lenitè animum.*

De Senectute .

QUarta Aetas, est Senectus; cui
etati propria est Prudentia,
quam, vel longo usu, vel scientia,
vel experientia ipsi senes sunt con-
secuti. Quare ipsorum officium est
(inquit Cic. 1. officiorum) Iuven-
tutem, Amicos, & Rempublicam,
Consilio, ac Prudentia adiuuare.
Ideò Romulus primus conditor Vr-
bis Romæ, centum Senes (teste Li-
vio) elegit, qui Vrbi, & consilio, &
Prudentia regendo præessent. Vnde
nil mirum à senibus (teste Cic.) di-
ctus sit *Senatus*, quasi *senum Col-
lectio*, & *Congregatio*, quod ipsi
senes Rectores Urbium esse debeāt,
ac iunioribus esse exemplar honesta-
tis. Ideò ipsis honor exhibendus, tā-
quam prudentiæ simulachris, hone-
statis, ac virtutis possessoribus, & do-
ctoribus.

De

De Ætate Decrepita Quinta, & vltima Ætas.

Est Ætas Decrepita in qua homo iterum quasi puerescere incipit, & ad nulla publica munia administranda aptus esse videtur. In hac ætate ipsius est auaritiam, quæ maximè tunc temporis in ipso dominatur euitare, & cogitare, quid sibi velint Cani isti capilli in capite, & corpus decrepiti; nempe vt graues, & bonos habeant mores, & recordentur se in dies ad mortem accedere, ac sepulchro imminere; Vnde sæpius aspiciat urnam, corpus flectitur terram versus, quo sciat se mox eandem ingressurum. Quare mundi gaudia, & delectamenta deferat, mortique se se accingat. Hoc Horatianum verbum mente reuoluens.

— *Lusisti satis, atque bibisti,
Tempus abire tibi est, ne potum largius a quo
Rideat, & pulset lascina, decentius ætas.*

Igi-

Igitur cum intelligat aliquem
hoc mundo abiisse, sibi proponat
ipsi terminum peregrinationis suæ
esse post aliquot dies accedendum,
qui si bene, ac virtutibus instructus
vixerit, ipsi futurus est felicissimus.



CAP. IV.

QVÆ ERGA DEVM,
seipsum , & alios
deceant .



Virtutis cognitio , & honestatis nihil aut parum prodest , nisi in actum deducatur . Nam refert Cic. in Officijs . Quod omnis laus virtutis , non in cognitione , sed in actione consistat . Et in lib. de Amicitia ait ; Tūc virtutis præmium , & fructus maximè capitur , cum in proximum quenque confertur . Diggerenda autem est virtutis actio ad Deum seipsum , & alios . Nati namque sumus in obsequium Dei ,
& hominum , ac nostri
ipsius cognitio-
nem , alia
tamen
erga Deum , alia erga nos ,
alia erga alios
decent .

Erga

ERGA DEVM,
Quid deceat.

Honestas erga Deum consistit in Dei cultura, siue religione; Teste enim Lactantio lib. 3. seruendum est Religioni; quam qui non suscepit, ipse seipsum proster- nit in terram: sequitur vitam pecu- dum, & ab omni humanitate se ab- dicat. Omnis enim Sapientia in hoc vno est, vt Deum cognoscamus, & colamus, seruire autem Deo, nihil aliud est quam bonis operibus tue- ri, & seruare Iustitiam. Quare, si quis hominem, qui verè sapere de- siderat, interrogaret cuius gratia natus sit, respondit, intrepidus, ac paratus; se colendi Dei gratia, na- tum esse qui nos ideò generauit, vt ipsi seruiamus. Hæc Lactantius. Ideò veteres illi Romani diligenter, & re- ligiosè seruabant deorum culturā, vt indicant Valerius, & Liuius vbi- que. Sed non sola Dei cultura suffi- cit, nisi etiam timor ipsius adsit, qui
D enim

enim ad veram sapientiam peruenire cupit Dei timorem præsentem habeat. teste Salom. Prouerb. *Initium Sapientiæ timor Domini*. Timor ergo coniunctus cum vera Fide, Spe, & Charitate, sola hominis sapientia est; sic homo nulla expauescet pro religione subeunda pericula, iustitiam colet, nullis minis, aut blandities flectetur, vt Horatius.

*Iustum, & tenacem propositi virum
Non cinium ardor praua iubentiam
nec vultus instantis tyranni
mente qua sit solida, &c.*

Erga seipsum.

Post Deum, quæ nos deceant perspiciendum, quæ vt breuibus complectar, vbi Luxuriam, ac superbiam effugerimus, magnam erga nos ipsos obtinuimus victoriâ. Sic semper actus iustitiæ exercebimus, & rectè faciemus, prout Lucas 1. Cor. 9. Imperat: erga proximum, misericordiam erga teipsum seueritatem exerce; nunc quæ deceant alios aggrediamur.

Erga

Erga Alios.

Honestas erga Proximum etiā se extendit, nam teste Lact. lib. 6. Primum officium Iustitiæ est coniungi cum Deo: Proximum, cum homine. Et CHRISTVS in Evangelio præcepit. *Dilige Dominum Deum tuum, & proximum tuum sicut teipsum.* Hominibus homo debet esse Deus, misericordia, Humanitate, Pietate, vt Lucas loco citato: præstare auxilium depressis, & laborantibus, impertiri victum non habentibus, vt inquit Lactantius. Quid autem cuilibet homini debeamus, sequentia indicabunt.

Erga Patriam.

Inter homines, primum locum occupat Patria: quam veteres Philosophi, (vt inquit Philelphus lib. 4. de liberorū educatione) præposuerunt ipsis Parentibus, quod scilicet plus obstricti essemus Pa-

D 2 triæ

trix, quam Parentibus. Nam (inquit Cic.) non solum, nobis nati sumus ortusque nostri partem Patria vendicat, partem amici. Et (Hercules sic ait.) Post sermonem de patria maximè conuenit docere quales in patriam esse debeamus. Est enim patria per Iouem, velut alter quidam Deus, & primus maximusque parens. Quare qui nomen ei imposuit à re ipsa non temerè patriam nominauit, vocabulo quidem patre deducto pronunciato tamen, feminea terminatione, vt ex vtroque parente mistū esset, atque hæc ratio insinuat patriam vna ex æquo duobus parentibus, colendam esse. Præferenda igitur omnino est patria, vtrius parentum seorsim, & ne simul quidam parentes ambos maiores fieri, sed æquali honore dignari. Est autem & alia ratio quæ non tantum æquali sed maiori etiam, quam simul ambos parentes honore patriam afficere monet, neque solum ipsis eam præfert sed etiam vxori liberis, & amicis, & absoluto

ser-

sermone rebus alijs omnibus post Deos. Hæc Plato dixit, quod partem ortus nostri patria sibi vendicat, nati enim sumus, vt patriæ prosumus.

Quinque autem rebus, vel ciuibus patriæ prodesse possumus. Primò, laborare pro ipsius honore, & laude, in hoc quod conamur tales fieri, esse, & perdurare, qui patriæ olim simus honori, & ipsa nobis laudem, & honorem attribuat. Secundò ipsam instruere prudentia, & Consilio, si indocta est, & insipiens; docere ignorantem, nostri muneris erit. Tertiò semper studere communi commodo: vt Patrio etiam solo existamus grati, quod nos genuit, aluit, & educauit. Quartò, defendere eam, & prudentia, & viribus, vbi occasio, & necessitas postulauerint. Quintò, etiam si opus fuerit, & aliter defendi non posset patria, parati esse debemus, vt pro ipsius defensione libèter moriamur; & hæc mors honestissima æstimatur. Quæ omnia Plato in Cretone be-

nè comprehendit sic inquiring : An
 sic es sapiens, vt te latuerit, & patri,
 & matri, & progenitorib. omnibus
 patriam esse anteponendam? Atque
 esse venerabilis quiddam sanctiusq;
 & in superiore sorte tū apud Deos,
 tum apud homines mentis compo-
 tes esse patriam collocandam, cole-
 reque eam oportere magis, eique
 obedire, ac rigidius se gerenti mi-
 tius assentiri, quam patri, & si quid
 iubeat, vel dissuadere illi quantum
 liceat, vel facere, & patientissimè
 sustinere, quidquid iusserit patien-
 dum? ac siue mandarit verberari te,
 siue in vincula conijci, siue in prælio
 miserit ad vulnera accipienda mor-
 temque subeundam, obediendum
 est omnino : ius enim ita dictat, ne-
 que tergiuersandum, neque fugien-
 dum, neque ordinem deferendum,
 sed & in bello, & in iudicio, & pror-
 sus ubique ea sunt, quæ Respublica
 patriaque iusserit, facienda, aut cer-
 tè verbis, quatenus iustum est. Vt
 licet ad persuadendum illi, eamque
 placandam. Vt autem nefas est, vel
 con-

contra matrem, vel contra patrem, maxime verò omnium contra patriam; hætenus Plato, Quod verò mors pro patria suscepta sit honestissima, nobis perbellè declarauit Horatius

Dulce, & decorum est pro patria mori.

Id, & multi gentium fecerunt, ut apud Liuium, & Val. Max. videre est.

Erga Parentes.

Post Patriam, colendi, ac venerandi sunt Parentes, ut sacræ, ac prophanæ iubent literæ. Hos verò, ut ritè colamus; Quinquè erga illos honestatis officia exhibere debemus. Primum, obediendo ipsis, in rebus honestis. Secundum inserviando ipsis, in eo in quo possumus. Tertium honorando eos, & verbis, & factis, ipsis non maledicamus, vel obloquamur. In factis, gestu, nudo capite, ac flexis genibus eos accedendo. Quartum, ipsos ornando, scilicet per profectum nostrum in virtute, & scientia, ut ipsi quan-

doq; à nobis honorem habeant coram alijs, non degeneremus ab ipsorum moribus, probis, & vita, vt obsequamur Horatio assenti

— nec imbellem

Progenerant Aquilam columbam.

Quintum, alendo eos præcipuè, si inedia, aut senio, fuerint confecti, id namque solent, & bestia, præsertim Ciconia, quæ parentes senes alunt, & alis veteres sustentantes trans mare portant. Et Cicero in lib. Orationum inquit; Quod pietas nihil aliud est, quam humanitas erga parentes. Franc. Philcl. lib. 4. de educatione liberorum, cap. 3. sic inquit de off. filiorum in parentes. Quod licet nunquam parentibus poterimus par pari referre; tamen quoad nobis licet, efficiamus, officiose eos tractemus, assiduè concommitemur, hortantibus faueamus, mandantibus pareamus, voluntates eorum, & deliberationes, siue morandum, siue obeundum siue audendum sit, tanquam diuina verba, & iussu probemus, & suscipiamus, iratis

iratis non resistamus, comminantes,
& perterrentes patienter sustineamus. Dum autem iubent in honesta, & illicita, respuamus, sed leuiter, verecundè, absque vlla execratione vel maledictione. Hæc Philelphus.

**Quomodo illis successit qui
Parentibus non auscultarunt.**

Cum natura nos doceat & ipse
Deus præceperit Parentes honorandos esse, imò qui secus fecerit cum vitæ breuitate minetur; Quid mirum, si ijs, qui secus fecerint, malus succedat exitus vt enim veterum volumus volumina, aspiciamus Orestem Græcum, qui Matre sua Clytemnestra occisa, versus est in furiâ; Neronem Imperatorem Romanum, qui, postquam Matrem trucidauerat, seipsum fugiendo pugione peremit. Olim in Vrbe Romana parricida grauissima pena pledebatur,

includebatur sacco ex coiro facto, cum cane, serpente, & gallo gallinaceo, & tum in profundum maris proijciebatur; Indicantes etenim Romani illum, ne terra quidem, quæ omnium communissima mater est, qui paricidium perpetrauerat dignum esse.

Erga Præceptores.

S Equitur, vt quo modò Præceptores sint colendi exponamus; Nam Præceptores sunt alij, vel alteri parentes. Ideò Gentiles præceptores voluerunt haberi loco parentum (vt inquit Iuuenalis in Satyris). Ipsi nanque præceptores sunt parentes animorum. Dant nanq; vitam animorum, scilicet virtutem, & scientiam, ac honestatem: parentes autem solum corporis vitam præbent. Sant igitur præceptores proximi parentibus, & non multò minus ipsis reuerendi: Compertum enim est vt inquit Philelp. lib. 4. cap. 7. eos qui præceptores suos colue-
runt,

runt, ad magnam gratiam literarum peruenisse. Inter quos fuit Traianus Imperator, ab omnibus suo tempore commendatus ob virtutem. Hic præceptorē suum Plutarchum summè est veneratus. Marcus Antonius Romanus, omnium principum sanctissimus, suis præceptoribus aureas imagines in domo sua statuit. Cicero eloquentiæ latinæ Princeps factus, quia ipso in Romano sermone nullus creditur eloquentior fuisse, præceptores suos nominatim celebrat in libris suis. Et quotquot vnquam eruditionis, honestatis, & dignitatis culmen, ac fastigium attingerunt, præceptores suos coluerunt, amauerunt, & laude sunt profecuti.

De His qui debitum Præceptoribus, honorem non conferunt.

PRæceptores suos, qui contempserunt (inquit idē Philelph.) signari, & turpissimi semper extiterunt. Inter

quos Nero Prīcipatū tenet quē propter nimia flagitia omnes occupant scriptores. Hic prāceptorem suum Senecam interemit: Beroaldus in Oratione Prouerbiali inquit: Qui obtrectatione prāceptoris famam sibi quārit, infamiam inuenit, & in omni proborum coetu contemnitur, & exploditur, tanquam improbus; formidatur vt vipera, fitque odium publicum, non secus, quam qui parentibus maledixerit: Etenim prāceptor est animorum parens, & formator: quem nisi omni honore prosequamur, nisi vbique locorum, vbique hominum honorifica commendatione laudemus, impij, nefarij, & scelerati merebimur nuncupari. Hæc Beroaldus; nam parentes præbent vitā prāceptores quod vitam benè peragamus.

Officia erga Præceptores:

ERunt igitur hæc officia quatuor in Præceptores exhibenda. Primum, vt ipsos perinde, ac Parentes
ame

amemus. Secundum, ipsis in honestis pareamus, ac obediamus, eorum iussa capescentes. Tertium nè ipsis ingrati existamus, sed semper dum vivimus actus gratitudinis in illos ostendamus. Quartum, laboremus, ut scientia ipsis quandoque fiamus, aut pares, vel si fieri potest, etiam maiores. Istud pulchrum est certamen discipulis, ut præceptorem, aut scientia assequamur, aut etiam superent, & excellent. Sic multi suis professoribus olim facti sunt peritiores, ut Beroald. gloriatur, non nullos sibi olim fuisse præceptores, in quorum tandem sedisset lectorio; Quod etiam patet in Sanct. Thom. Aquinatz, qui Professore Albertum Magnum habuit ipsi postea non impar extitit.

Erga Cognatos, & Agnatos.

Erga Cognatos, & Agnatos, à Patre siue Matre nobis sanguine conjunctos, simul & in fratres, & sorores

86 *Hon. Fin. Rat.*

sorores quales esse debeamus, facile
 ratio naturæ nobis dictat: ut scili-
 cet tales erga ipsos simus, quales,
 & nobis esse velimus. Diligamus ip-
 sos ut nosmetipsos. Sunt enim nihil
 aliud quam quasi alij nos; nostri sunt
 sanguinis, nostræ stirpis, & proge-
 niei nostræ partes, ac membra. Qua-
 re eos non secus habeamus quam
 nostri corporis membra propria: ut
 quicquid toti nostro corpori, imò,
 & nobis fieri non volumus, etiam ab
 illis depellamus, secundum illud præ-
 ceptum, *Quod tibi non vis fieri, alte-
 ri ne feceris*. Alioquin meritò ingra-
 ti habebimur. Ut qui vni sui corpo-
 ris parti plus faueret quam alteri,
 meritò insipiens æstimaretur: Sic, &
 dignè ingratus dicetur, qui proge-
 nie sibi iunctis non adest auxilio, &
 consilio. Hæc Lex naturæ nobis di-
 ctat, & præcepit. Et in Evangelio
 Christi præceptum est. *Proximum
 esse diligendum, ac seipsum*. Verè au-
 tem proximi nostri sunt, qui sangui-
 ne iuncti sunt.

Erga

Erga Amicos.

Maximo in pratio Amici habēdi sunt; Vnde, quæ erga illos deceat honerandi consuetudo, abundē decent scripta eruditorum, præsertim Ciceronis in lib. de Amicitia. Sunt autem præcipuē Sex Leges erga Amicos obseruandæ.

Prima (vt Cic. refert) ab Amicis non rogemus turpia, sed honesta: Amicorum gratia non turpia faciamus, sed sola honesta.

Secunda, In prosperis rebus amicis congratulemur, collætetur ipsis si quid boni eis acciderit, non secus, ac si nobis contigerit. In aduersis è contra eis condoleamus, consolemur ipsos consilio, & auxilio, & non deseramus more hirundinum, quæ (vt refert Cic. lib. 4. nouæ Rhetoricæ) Æstiuo tempore præstò sunt, simul atq; viderint fortunæ hyemem, deuolant omnes.

Tertia, Sit nobis idem velle, & nolle cum amicis, eadem studia, & dele-

delectatione . Nam disparia studia, & dispares mores, separant, & frangunt amicitiam ; teste Cicerone in lib. de Amicitia, & Horatio in Epistolis .

Quarta, Non aliud amico faciamus, quam nobis ipsis fieri velimus. Nam secundum Ciceronem ; Amicus, est quasi alter idem . Et amici sunt cor vnum in duobus pectoribus, ideò eos amore amplectemur, ac nos ipsos . Laboremus amando ipsos vincere, & non vinci ab eis, si fieri possit, sed semper par pari referamus .

Quinta ; Amicitiam præstandam præcepit Cicero, non spe mercedis, vel commodi, vt vulgus solet : Quod commodò cessante, simul, & fauorem mutuum supprimit : Sed solo amore colenda amicitia est ; nam hic solus, & verus est amicitiae nodus, qui in æternum est duraturus ; sic paratiores erimus tribuere quoddam amicitiae vinculum, quam ab ipso expectare .

Sexta Lex, & Ultima est, vt obsequia

sequia sæpe præstemus amicis : quia teste Terentio; *Obsequium parat amicos*. Deinde, & præstita non obijcere quibus contulimus : Cicero enim inquit *Odiosum esse genus hominum officia exprobrantium* ; Quæ meminisse debet is , in quem collata sunt , non commemorare qui contulit ; libro quoque xi. veteris Rhet. inquit idē Cic. Impudens est ille, qui pro beneficio non gratiam , sed mercedem postulat . Sin in nos ab amico fuerint exhibita obsequia: iubet Cicero in officijs , vt sequamur agros fertiles , qui plus reddunt, quam acceperunt à seminante . Sic in amicitia, si possumus plus reddamus , quàm nobis collatum est : vel , dicamus nos esse insolubiles plane , ac æternum ipsis deuinctos : velle tamen gratos esse, si vnquam fortuna nobis ariserit , aut occasio patiatur .

Erga Socios.

Amicitiæ simillima est illa hominum familiaritas, quæ dicitur
Socie-

Societas, quam amica hominum inter se coniuncta familiaritas. In Socij autem eligendis, vel obseruandis, in primis conandum est, vt honesti, ac probi eligantur, & habeantur: apud quos, & emendatiores fieri possimus. Illos cum erimus nacti, sic erga ipsos nos habebimus, sequentia praecepta non excedentes. Primo, Non secus quam consanguineos ipsos amemus.

Secundò, Hæc quinque obseruemus, quorum Terent. meminit in Adria: scilicet, dicamus perferre, & pati mores, ritus, & gestus sociorum: non mox ad vnum, aut alterum verbum irasci, sed omnia ferre æquo animo, & vultu hilari. Deinde nos totos demus nutibus, & voluntatibus honestis sociorum.

Tertiò, Obsequamur ipsorum studijs: id agamus, quod illi moluntur, si saltem in honestate situm fuerit. Ideò, & vulgò prouerbum est. Viuendum esse moribus præsertim, non esse morosum, vel propriæ (vt aiunt opiniones; nam

Dum

*Dum fueris Roma Romano viuato more,
Dum fueris alibi, viuato sicut ibi.*

Quartò, Nulli aduersemur, litem, discordiam, & iurgia fugiamus, litem non seminemus.

Quintò, Vbi duo de re vna contendunt, nutri, nisi propter quandam rationem cogaris, accendendum. Quod sentis non pertinaciter, & præter rationem sustine. Alienæ potius te subijce sententiæ, ijs præsertim de rebus quæ sint aut non sint parum tua interest.

Sextò, Nulli nos præponamus, nec alijs meliores æstimemus, sed æquales. Hinc vulgò dicitur: Inter socios non esse ordinem, sed æqualitatem inter ipsos debere esse, & nullam prælationem sui ipsius.

Septimò, Caue socio vitia exprobrare, licet sint naturæ; & voluptati ducere verbis, aut factis eundem pudore confundere.

Octauò, Dum socius quædam enarrare inceperit non ostēdas narranti id te scire; multo minus dicere expedit non sic res se habet, deluderis,

deris, ita habet vt dicam, & similia.

Nonò, Socium absentem theonino dente, non rodamus, nec de vllis rebus vlla ratione detrahamus si verò laudemus modum, non excedamus.

Decimò Delinquentem castigamus, sed parcè, & non coram alijs. Illud enim est vituperare, & vitiare, non amicè emendare.

Vndecimo, Neminem iniuriosè compellemus, neque ioco, neque extra iocum. Præ cæteris castè, & verecunde loquamur; in honesta, & indecentia euitemus. Nulli clam in aurè præsentibus alijs, nec quidquam liberius quasi per iocum in consortio effundamus. Demum obseruemus ne aliquam corporis nostri partem attingamus quæ exposita oculis esse non solet. Dum quendam alloquimur salua ne conspuamus, animaduertamus, quod vt euitetur iusto aliquo intervallo, ab altero nos collocemus.

Quæ omnia si ritè obseruentur
sum-

summum nos apud socios conciliabunt familiaritatis vinculum, quod plane indissolubile existet.

Erga Senes.

QVos Senium, & cani grauant capilli, illis quoque sua est exhibenda obseruantia; merentur honorari ob longam actam ætatem, in qua, & experientia, & vsu, & arte multum prudentiæ cōtinuisse creduntur. Ideò honorandi sunt tanquam prudentiæ domicilia. Sunt autem tria, quibus senes honestandi erunt.

Primò, Iubet Cic. in offi. vt labores eis minuantur, quæ corporis viribus per Senium vtī non possunt.

Secundò, Colendi verbis castis blando, & amico nomine appellentur, vt opus habet, hoc nomine Carissime Pater, Amantissima Mater, Proaue Colendissime, &c. Non opprobrijs conficiantur, ac scelerati, & nebulones dicantur, sed coram ipsis nulla nisi honesta tractentur; hinc

Ouid.

94 *Hon. Viu. Rat.*

Ouid. libro 5. Fast. inquit.

Magna fuit quondam capitis reuerentia cani,

Inquo suo pretio ruga senilis erat.

Verba quis auderet coram sene digna rubore

Dicere? censuram longa senectâ dabat.

Tertiò factis, & gestibus probis sunt prosequendi: coram ipsis, aut flectere genua, aut caput aperire. Id quod veteres olim Romani fieri curabant hac lege. Si quis hominem senio confectum cooperto capite præteriret, is capitis reus esset.

Erga Mulieres.

Mulieribus etiam honestis, & probis debetur honos ob duplicem rationem. Prima, quod ipsæ nostræ sunt Genitrices, & Nutrices: ac plus sudoris in educandis liberis habent, quam Patres. Secunda quia pudicitiam, virtutem colere solent (quæ virtus maximè in ipsis æstimatur) vt de multis matronis constat apud historicos. Triplici igitur honestate sunt venerandæ.

Primò,

Primò, In ipsarum præsentia cauere à verbis lasciuis. Ipsæ enim pudicis mecum sint, nil coram eis loquendum est, quod pudicitia, bonisque moribus aduersetur.

Secundò, Abstinentum ab indecenti gestu, qui contra honestatem est. Verecundè agenda omnia talia nanque conuenit nos moribus exprimere, & effingere semper, quæ præsentium fortunæ, & conditioni sunt accommodata. Cum igitur mulieres habeantur pudicitia cultrices, pudicos, & apud ipsas nos esse debebit.

Tertiò, In mulieres non amata, vel irata sæuiendum manu, cum ipsæ sint inermes, & imbelles, neque satis validæ, vt verberanti resistent; & cum nihil sit laudis mulierem vicisse, vel de ipsa vindictam sumpsisse, vt habet vulgatum prouerbium, & Virgil. 2. Aeneid. Et sequamur animalium irrationalium in colendo famineo sexu consuetudinem, quæ eis præferentiam in edulis concedunt, nolentes despiciere à quibus quid-

quidpiam boni, aut voluptatis expetant.

Erga Extraneos, vel Peregrinos.

IN Extraneos, & Peregrinos etiam officia virtutum seruanda sunt, præsertim quatuor; Primum, Pijs, & humanis verbis excipiendi, & tractandi, ut se se ad homines, id est humanos diuertisse agnoscant, non ad crudeles, vel impios, Scitas. Non sunt irridendi verbis. Hinc Plaut. ait in Comædia, quæ Pænulus dicitur. Seruum hercle te esse oportet, & nequam, & malum hominem, peregrinum atque aduenam qui irrideas.

Secundum instruendo eos in hoc, quod eos latet in nostris oris, ne præignorantia consuetudinis, patriæ fallantur; nam istud magnam nobis adfert laudem, istudque interlinquere, commorantem vitiat, & contaminat. Facile est imponere nescienti; Habet Erasmus in lib. de

In-

Institut. princ. Christ. Platonem quondam dixisse, quod diligentius cauendum est, ne quid lædantur hospites magis quam ciues: propterea quod hospites destituti auxilio amicorum, & cognatorum, magis sunt obnoxij iniurijs. Ideò, & Iouem putabant Gentiles esse ultorem iniuriæ peregrinorum, vocabantque ob id Xenium.

Tertium, monstrare viam querentibus aut ignorantibus, non sinistrorsum ducere, dum dextrorsum ipsis eundem est. Id enim sceleratissimum est, seducere peregrinum, sine nostro commodo: docentque latrones, & prædones, qui sponte erronea via iubent ire peregrinos, quò castes incidant, & occidant ipsos.

Quartum, Hospitio ipsos suscipere, & ferre vt nobiscum habitent. Hinc Gentiles coluerunt hospitalitatem, tanquàm rem sanctam, & Iouem dixerunt, Deum hospitalitatis, quod pium, & Sanctum esse hospitari peregrinos. Ideò Dido Regina

gina Carthagenensium lib. i. Aencidos; dum Æneam cum alijs Troianis hospitio susceperat in conuiuio, inuocat Iouem tanquam dantem iura hospitibus. His versibus.

*Iuppiter (hospitibus nã te dare iura loquũtur)
Hunc latum Tyrĩsque diem, Troiaq; profectis
Esse velis, nostrosq; huius meminisse minores.
Adsis letitia Bacchus dator, & bona Iuno.*

Et veteres Romani multos peregrinos in Suã Vrbem susceperunt, qui tandem, & Urbis fiebant moderatores, vt Liuius ait de Vrbe condita. scribit, & Beroaldus, quod olim hospites, ac peregrini præponebantur cognatis, & affinibus. Imò & Romæ externis Magistratus dabatur regius, consularis, & prætorius, vt Humæ, & Tarquinij temporibus, Consules multi peregrini, & externi fuerunt. Habebant, & prætorem peregrinũ, qui peregrinis ius dixit.

Erga Hostes, & Inimicos.

ET in Hostes nostros virtutis memores esse debemus; & præsertim

tim quatuor vti præceptionibus.

Primò (vt iubet Cic.in off.) Etiã, & fides præstita, seruanda est hostibus, vt nunc equitum lex, & consuetudo est. A quo si quis captus fuerit, & manumissus, ad illum eundem reuocatus, vt redeat redire cõuenit: alias è strenuorum equitum albo expungitur, & eliminatur.

Secundò, ab hostibus, vel inimicis irritati, aut laceffiti iniuria, aut bello indicto, non ilicò reluctemur, aut remordeamus, ne canes videamur: illud nanque beluarum est, sed benignè rem ipsam prius agamus verbis; teste Terent. in Eunu. Omnia prius verbis, quam armis experiri, sapientem decet, nihilque ex ira faciendum improuide.

Tertiò, Etiam iniuriæ illatæ, & acceptæ, præstat ignoscere quam talionem reddere. Nobilius nanq; vindicandi genus est ignoscere, quã par pari referre. Erasmus in lib. de instruct. principis Christiani inquit: Quod ultio, est signum parui, & pusilli animi. Iuuen. Satyr. xij. ait, Quod

vindicta nemo magis gaudet, quam femina, ergo erit viro indigna.

Quartò, si hostium iniurias, & insultus abigere non possumus, nisi paribus verbis resistamus, tum illud Virg. xij. Aeneid. sequendum est:

*Quò numen, quò dura vocat forma, sequamur,
Sors, & virtus miscentur in unum.*

Armis euidenter repugnemus, ut passim habet Liuius de Rom. Gentibus. Illud tamen Cic. semper in mente habetur. Bella suscipiantur, non aliam ob causam, quam ut postea in pace viuatur, non ut vindicta de hostibus sumatur.

Erga Heros, & Dominos quibus famulamur.

IN Heros nostros, quorum pane victitamus, & quibus seruitium debemus, quadruplices habebimus mores.

Primò parati simus, & prompti ad eorum exequenda iussa, & mandata, non testudineo more exequi negotia: *serui enim obedite per omnia*
do-

*dominis carnalibus non ad oculum ser-
uientes, quasi hominibus placentes sed
in simplicitate cordis timentes Deum ;
Quodcumque facitis ex animo opera-
mini sicut Domino, & non Hominibus,
scientes, quod à Domino accipietis re-
tributionem hæreditatis; Colloss. 3.*

Secundò, Fideles esse debemus in
ipfos : non fallere, non fraudare, nō
falsa imponere illis coram blandien-
do, & absentibus detrahere. Seruos
Dominis suis subditos esse in omni-
bus placentes, non contradicentes,
non fraudantes sed in omnibus fidē
bonam ostendentes. Tit. 2.

Tertiò, Illis simus frugi, & vtilēs,
eorum incommoda præcauendo :
plus ipsorum quam nostram com-
moditatem quæramus : citius Do-
mini, quam priuatam, & nostram
rem exequamur : & si viderimus he-
rum incommodi quippiam subitu-
rum, istud, si possimus, ab ipso auer-
tamus : hæc Plautus in Aulularia.

Quartò, Taciturni esse debemus,
duabus vicibus. Primò, ad hero-
rum verba non obloqui, etiam si in-

terdum melius nouerimus, neque
tamen prorsus obmutescamus: hinc
Plautus in Comæd. militis gloriosi,
ait; oportet Seruum plus scire, quam
loqui. Secundò, Dominorum secre-
ta alijs non reuellere, neque foras
eliminare; taciturnitas enim oppi-
do seruum commendat.

Quomodo Dominus se ge- rere debeat erga Seruos.

CVM vero sorte quadam simus
constituti Domini non minus
nostras erga seruos habebimus re-
gulas. Nam inquit Eccl. 33. *Si tibi
est seruus fidelis sit tibi quasi anima tua,
si læseris eum iniuste, in fugam conuer-
tetur. Et 7. Seruus sensatus sit tibi di-
lectus quasi anima tua, non defraudes
illum in libertate, neque inopem dere-
linquas illum: Non lædas seruum in-
veritate operantem.* Hæc satis indi-
cant officia Dominorum erga Ser-
uos, & Vos Domini eadem facite illis
re-

remittentes minas, scientes, quia illorum, & vester dominus est in cælis, & personarum acceptio nō est apud Deum. Eph. 6. & col. 4. Domini quod iustum est, & æquum seruis præstate, scientes quoniā & vos Dominū habetis in Cælo.

Si verò serui sint mali, & iniqui castigandi cædendique semper iure sunt, neque ita monendi vt liberi, ne moliores fiant. Allocutio omnis ad seruos quodammodo imperium sit, neque iocus vllus cum ipsis seu fæminis, siue masculis habeatur: Quod multi stultè facientes dum delicatius enutriunt, difficiliorem vitam & sibi ad imperandum, & illis ad obediendum reddunt. Sic Plato in x. de Legibus. Quæ vbi Domini benè obseruabunt, optime se erga seruos habebunt.

Erga Magistratus.

Magistratibus locorum, vbi agimus, etiam virtutis exhibitio debetur, & Primò vt eos agnoscamus Rectores, & Gubernatores

E 4 nostros

nostros, non casu sed Dei consilio præfectos esse. Secundò vt Amore & beneuolentia & fauore eos prosequamur. Tertiò vt eorum legibus, & mandatis, quæ pietatem & honestatem concernunt, debitam exhibeamus obedientiam; sunt enim nihil aliud leges ipsæ quam recte viuendi præcepta, & documenta. Male viuitur, vbi sine lege viuitur. Quartò Vt sumptus quos ad gubernationis necessitatē exigunt, vt sunt tributum, Vectigal, Census, decimas, & similia, benignè pendamus. Quintò vt contra eorum sententias, vel iustas penas propter violatas Leges nō insurgamus. Sextò Vt eos vereamur, & si in aliquibus leuiter defecerint, condonemus, eorumq; iniurias tolleremus, & interniciem caueamus. Septimò Vt vbi eorum auxilio indiguerimus, ac defensione, ab ipsis subsidiū petamus. Octauò Vt eos debitè honoremus, & cognoscamus absque ijs Vrbes, & regiones non posse tutari defendi, & per durare; Nam teste Liuiο lib. 2.

de

de Vrbe condita, si cætera corporis membra stomacho cibum non sup-
peditarent, simul cum ipso fame pe-
rissent: ita quoque nisi subditi præ-
dicta omnia erga Magistratus ob-
seruent, Vrbes ac regiones pariter
cum ipsis interirent.

Quid Magistratui competit Erga Subditos.

Vicissim & Magistratus in subdi-
tos certis tenentur legibus, &
in primis Magistratus Deum timere
debent (Exod. 18. 25.) amplecti
veram religionē, prouocare & pro-
mouere; idolatriā & falsorum Deo-
rum cultum abolere, curare vt sola
Catholica Doctrina tradatur, &
propagetur, ceremonias diuinitus
institutas vna cum subditis sanctè, &
colore & obseruare; & (vt inquit Ci-
cero 2. offic. Videndum est ei, qui
Rempub. administrabit vt suū quis-
que teneat, & earum rerum sit co-
pia, quæ sunt necessariae. Magistra-
tus deinde talē vitam instituat quæ

legibus ab ipsis conditis non repugnat: Lex enim est commune bonum (teste Iamblichus in Epist. ad Agrippam) sine quo nihil bonum fieri potest. Cæterum oportet Principem perfectum sincere purgatum esse iuxta summam legum rectitudinem, ac neque seductione, aut fraude falli per ignorantiam, nec vim inferentibus concedere, nec vlla occasione iniusta allici. Nam Seruatorem & Custodem legum tam incorruptum oportet esse quam summè fieri potest in humana natura. Hæc Iamblichus: vt igitur subditi legibus à Magistratibus præscriptis optimè pareant, ipsi Legumlatores leges strictissimè debent obseruare, & secundum eas rectum viuendi modum instituire. Longè etiam alia decent magistratus quam subditos, & citius eorum, quam subditorum, conspiciuntur errores: vt egregiè cecinit Quidius ad Liu.

Non eadem vulgusque decent, & lumina rerum;

Est quod præcipuum debeat ista domus.

Ad te oculos auresq; trahis, tua facta notamus,

Nec vox missa potest Principis ore regi.

Cui

Cui sententiæ etiam subscribit
Claudianus.

*Nec te praterea crebro sermone monebo,
Ut te totius medio telluris in orbe,
Viuere cognoscas: cunctis tua gentibus esse
Facta palam, nec posse pari regalibus usquam
Secretum vitijs: nam lux altissima fati
Occultum nil esse sinit: latebrasque per omnes
Intrat, & abstrusos explorat fama recessus.*

Sunt & eiusdem, Claudiani alij
versus, quos Beroaldus præ foribus
ædium principalium scribendos esse
cenfet: Scilicet.

*Tu Ciuem Patremque geras, tu consule cunctis,
Nec tibi, nec tua te moueant, sed publica vota,
In commune iubet, si quid censestque tenendum
Primus iussa subi, tunc obseruantior aequi
Fit populus, nec ferre vetat, cum viderit ipsum
Autorem parere sibi, componitur orbis
Regis ad exemplum: nec sit inflectere sensus
Humanos edicta valent, quam vita Regentis
Mobile miratur semperq; cum Principe vulgus.*

Insiper prius debent Magistratus
cognoscere causam, quam sententiã
ferre, & inaudita altera parte non
iudicare. Conuenit etiam ijs inire
fœdus & amicitia, & pacem cū vicinis
Gubernatoribus, colere publicã vti-
litatē & libertatē contra seditiosos,
& hostes defendere. Est enim boni

Magistratus cum auxilia Reipublicę labefactari conuelli que videat ferre opem Patrię : succurrere salutis, fortunisque communibus, suam salutē, posteriorem salutis communi ducere, intercludere omnes seditionum vias. (Cic. pro Caio Rabirio) Imo, quod magis est, cum proprii capitis discrimine debēt moderatores subditorum libertatem contra peruerforum insultus tutari . *Præfectum*, (inquit Turbo ;) *rebus publicis stantem mori oportet: hæc viri eximia virtute præditi, maxima est gloria.* Dion. in Adriano . Tandem supplicia de hostibus sumere, innocentibus parcere, dereliquentes, legesque spernentes, punire proprium magistratum est . In pœna tamen imponenda etiam modus & ordo seruetur, neque maior pœna sit quam culpa, alias enim tyrannidem, non magistratum exercere dicetur: Magistratus autem sine tyrannide regere debent .

CAP. V.

Q V I D
C V I V I S L O C O ,

tempori, & cuius ho-
minum conditioni
conueniat.



IN Honestate, & Virtute
multum efficiunt locus,
tempus, & occasio: Quo-
rum omnium nisi fuerit
ratio habita, nihil vel parum condu-
cet virtutis cognitio, & exercitatio.
Locus enim, & tempus, dicunt Sa-
crarum literarū interpretes, pecca-
ta aggrauant: item leuantur loco, &
tempore. Sic, honestas siue virtus
suo etiam loco, & tempori accom-
modanda est. Alia enim longeque
diuersa, diuerso in loco, & tempo-
re decent, licent, & exiguntur. Quod
si quis

TIO Hon. Vm. Rat.

si quis nescierit, aut non imitatus fuerit: quantumvis virtutem didicerit, vitio sus existimabitur, si ignorauerit seruire loco, & tempori. Nam (inquit Seneca Med. act. 1.)

*Compesce verba, parce iam demens minis.
Animosque minus: tempori aptari decet.*

Ideo etiam Macrobius lib. 7. Saturnalium, cap. 1. inquit: Nihil est tam cognatum sapientiæ, quam locis, & temporibus aptare sermones. Iussit, & Pittacus Mytil. Noscendum esse tempus: vt quicquid ageremus, prius intueremur temporis opportunitatem. Et (Eccles. 3. primo) Tempore vtendum, & temporis opportunitas in omnibus obseruanda. Itaque statuendum est temporis opportunitatem omnibus rebus optimam esse. Hinc (Terentius dixit;)

*In tempore ad eam veni, quod rerũ omnium est
Primum —*

Et Lucanus ad Pisonem;

*Temporibus seruire decet: qui tempora certis
Ponderibus pensauit, cum si bella vocabunt,
Miles erit, si pax, positis toga gestiet armis,
Huc fora pacatũ, bellantem castra docebunt.*

Loco

Petri Carocci. III

Loco autem etiam seruiendum esse Horatius nos sufficienter docuit. 4. carm. 12.

*Misce stultitiam consilij breuem
Dulce est desipere in loco.*

Et idem in arte Poetica,

Singula quaque locum teneant sortita decenter

Ex quibus locis satis patet, & loco, & tempori seruiendum esse. Quomodo autem quisque debeat, & possit esse omnium horarum homo, sequentia sufficienter instruent. Sed quoniam & loca, & tempora varia sunt in quibus agunt, & conueniunt homines pro eorum diuersitate etiam sunt distinguenda; & quia primum locum sibi videtur vindicare conuiuium, ideo de eodem primò verba faciemus.

De Conuiuiis, & quæ in illo deceat honestas.

Conuiuium est accubatio epularum, secundum Cic. Qui in libro, qui Cato maior dicitur, de senectute, dicit: *Bene enim maiores*

iores nostri accubationem epularum, quia vitæ coniunctionem haberet, conuiuium nominauerunt, melius quam Græci, qui hoc ipsum modò computationem, modo concenationem vocant.

Inter conuiuationem multa tenenda sunt honestatis præcepta.

Primum vt Macrobius inquit lib. 7. Saturnalium cap. 1. Observatio in conuiuio est, æstimare conuiuas, quales sint, cuius fortunæ, dignitatis, & autoritatis.

Secundū, vt idem ait Macrobius, Debet quisq; videre, vbi sibi locus pateat, non de rebus philosophicis, vel grauib; inter pocula loqui. Ideo Socrates quondam in conuiuio rogatus, vt aliquid in medium proferret, respondit: Quæ præsens locus, vel tempus exigit, ego non calleo: quæ autem calleo, præsentis loco nō sunt apta, nec temporis: putans res graues, de quibus in scholis disputant Philosophi, non conuenire cōuiuio, & conuiuium illud laudatur, (44. dist. Conu. & cap. seq.) dummodo detractionibus, & fabulis, & plausi-

plausibus turpibus non misceatur. Vnde Sertorius admonere solebat suos ne quid in conuiuio præter decorum, vel fieret, vel diceretur: præsertim à iurgiis, & obscænitæte temperaretur. Nec ipse quidquam tale sustinebat, vel audire, vel videre; sic Plutarchus de illò scribit.

Tertium, Scommata dicenda non sunt, nec quæ alios mordent, nam citius inter pocula, quàm alias cõmouetur hominibus bilis, & Anagyris, vt refert Macrobius. lib. 7. Et Eccl. In multis enim escis erit infirmitas, & auiditas appropinquabit vsque ad coleram.

Quartum, Edendo, & bibendo modus obseruetur, secundum hæc duo præcepta, scilicet sumatur cibus citra satietatē, & potus citra ebrietatem test. Poeta,

*Sunt spontè exhausti latissima pocula potus,
Baccho, & potori vina coacta nocent,
Hunc quia clam tellus venis effundit, ad illū
Fert ad lothæas immoderatus aquas.
Vinosi dira pereatis morte Bibones:
Latus ego saltem vina modesta bibam.*

Illi

Illi quidem longè est finis gratissima rerū, &c.

Quintum, Hæc septem præcepta Plauti in Comed. militis gloriosi obseruet quisque : Sit cauillator factus, commodus conuiua, non oblocutor alterius, ab omni incommoditate abstineat, loquatur dum tempus est, taceat altero loquente, parum expuat.

Sextum, In conuiuio dicta, vel audita, visa, & facta, foras non aperiat, vel diuulget. Ideo Horatius in Epist. 6. Torquatum vocans conuiuiam : promittit se curaturum, ut nemo sit in conuiuio, qui dicta foras propagabit. Et Beroald. dicit ; Quod mos fuit quondam Gentilium, conuiuiis domum intrantibus, aut ingressis ostendere limen, dicendo ; extra illud nihil, id est, ad mensam audita, caue foras dixeris alijs. Quare nostri volentes bonum istum morem imitari solent mensas, rosis ornare, ut sub illis dicta inter pocula maneant, & non alio diuulgentur.

Septimum, *Super mensam non
exten-*

extendas manum tuam prior, ne Invidia contaminatus erubescas. Si in medio multorum sedisti tu prior illis ne extendas manum tuam, nec prior poscas bibere; Eccl. Et Ioan. Chrysost. 16. de Coll. Io: Bapt. Sic ait. Conuiuium honestate honeretur, lætitia mensæ pertingat ad pauperes Christi, familia innocentie tripudiet disciplina. Absit ebrietas, luxus absistat, fugetur effusio, saltatricum pestis, lenocinia cantuum, voluptatum fomenta, ventris onera, naufragium mentis cum Herodiatis cōuiuium abscindantur, vt præsens gaudium vestrum ad lætitiā perueniat sempiternam.

Sequitur vt de Consortio, & quæ in eo conueniant dicamus.

De Consortio.

ARs est non facilis, imò per magna, & egregia, scire commodè inter homines agere, vt familiaritate placeamus alijs, maneatque diù mutua, & amica coniunctio.

ctio . Est enim societas siuè confor-
tium duorū pluriumue coniunctio ,
contracta ob cōmodiorem vsum , &
vberiore quæstum . Quæ coniun-
ctio vt benè obseruetur , varijs do-
cumentis opus est .

Primò , assuescamus ferre , & pa-
ti hominum mores , verba , ac facta :
non ilicò literam caninam sonemus ,
aut aceto perfundamur , si quid tæ-
dij nobis inferunt , sed tanquam ne-
scij , tacitique perferamus , & tan-
quam ea nos modicè tangant , ita
nos ostendamus , neque multum re-
spondeamus , atque defendamus :
Remordere enim , & irasci leui of-
fendiculo est hominis animi impo-
tentis .

Secundò , aliorum arbitrio , & nu-
tui vbi æquum est & decorum , sub-
scribamus : vt idem velle , & nolle
sit nobis quod ipsis , id velimus quod
isti cupiunt , vitemus ea , quæ mini-
mè arrident & nauseam in ferunt .

Tertiò , Studijs , operibus , & co-
natibus ipsorum consentiamus : Isti
studeamus rei , & negotio quo fun-
gun-

guntur : Vbi nanque studiorum , & operum est dissensio , ibi facili negotio de Societatis disruptione cogitatur . *Omniū enim Societatum* , (inquit Seneca.) *Nulla præstantior est nullaque firmior , quam cū Viri boni , moribus similes sunt familiaritate coniuncti .*

Quartò , nemini aduersetur indignè , & præter illatam prius iniuriam aut litem faciēdo , aut verbis rixando , aut malidicēdo ; nihil enim , (test. Senec. 3. de legibus) præter laudem bonis atque innocentibus ex socijs reportandum est.

Quintò , nulli nos præferamus , ac meliores , digniores , vel præstantiores existimemus . Sociorum paritas summam parit amicitiam , disparitas odium . Humanitas vetat superbum esse apud socios , vetat auarū verbis , rebus affectibus cōmunem se facilemque omnibus præstare : Nullum alienum malum putat , bonum autem suum ideò maximè quod alicuius bonum futurum esse amat , sic Seneca Epist. x.

Sextò,

Sextò, Hoc præceptum benè obferuemus. *Quod tibi non vis fieri, alteri nè feceris: Omnia verò quæcumque vis vt faciant tibi homines, & tu, fac illis.* Ita nihil loquaris, nihil facias alteri, quod tibi fieri nolles. E contra quæcumque velles tibi fieri, tu eadem alijs facias.

Septimò, Faciles, & accincti vsque simus; vt vbicumque tempus exegerit, aut locus expetiuerit, præstemus alijs obsequium. Obsequium namq; collatum, parit amicos: intermissum, inimicos peperit semper.

Octauò, Quos in Socios eligamus videndum. Vnde Seneca dixit: ante circumspiciendum est cum quibus edas, & bibas, quam quid edas, & bibas. Socij autem boni, æquales, & à quibus quidquā addiscere possumus, sunt eligendi. Nam (inquit Eccl. 12.) *Qui tetigerit picem, inquinabitur ab ea: & qui communicauerit se superbo induet superbiam: Pondus super se tollit qui honestiori se communicat: & ditiori nè socius fuerit.*

Nonò, Nimia inter Socios prohibe-

hibetur loquacitas. Nam ex multiloquio pleraque nascuntur incommoda, & multiloquium non solum molestum est auditori, sed etiam ad persuadendum inutile.

Et tandem sequamur Senecam dicentem. *Nullius rei sine socio iucunda est possessio. Non magis utilitati est ager cum redditibus amplis, quā vicinus equalis cum moribus bonis: sit tibi erga singulos falsi libra sermonis, & te blandum pueri, comem iuvenes, grauem senes metiantur.*

Cæteros mores, & ritus, vsus quotidianus dabit, & experientia, quæ rerum est magistra. Succedit tractatus de Colloquijs mutuis. Igitur de ijs breuiter agendum est.

De Colloquijs mutuis.

IN hominum mutuis locutionibus & confamulationibus sequentia optimè inseruiunt, & primò non interloqui, dum alij sermonem faciunt, sed modestè aliorum verba percipere, linguam compescere, &

ex-

expectare verborum finem conuenit: hinc illud vulgatum prodijt proverbium: Duò concinere possunt, ast non pariter verba facere. Ex hoc autem satis constat, prius aliorum sermoni attentas aures esse porrigendas, tum quæ nobis visa fuerint, respondeamus; responsio tamen, si fieri possit, paucis constringatur verbis; nam multis verbis veritas non eget, & rectius meminimus, quæ paucis verbis comprehensa sunt. Deinde natura ipsa dictitat, quod vnius sermo debeat remorari alterius orationem, nam sit integrè capi nequit. Temerè vero aliorum verbis non esse respondendum Satis indicat auctoritas Aul. Gell. lib. 8. quæ sic se habet. *Sapiens sermones suos præcogitat & examinat prius in pectore, quam proferat in ore; Qui enim sunt leues & faciles atque importuni locutores, nullo rerum pondere innixi verbis tumidis, & laxantibus eam orationem benè existimant. Est in ore, non in pectore lingua.*

Secundo, obseruandum quã maxime

xime est ne aliorum honori inter loquendum quidquam detrahamus; quod nos abundè docet Ecclesiæ Doctor. Hieronymus ad Cælant. *Nulli vnquam omninò detrahas, etsi aliorum vituperationem te laudabilem videri velis, magis tuam vitam ornare disce, quam alienam carpere, ac semper memineris Scripturæ dicentis. Noli detrabere diligere, nè eradiceris. Et profectò abiecti se esse animi ostendunt, qui aliorum honorem lædere student, teste eodem Hier. sic dicente. Viliū satis hominū est, & suam laudem quærentium alios viles facere: quia alterius vituperatione se laudari putant; & suo merito placere non possunt, placere volunt in comparatione malorum. Quod etiam & Ethnici agnouere, inter quos adfero Cicero- nem qui de offic. hæc nobis scripta reliquit. Arbitrari (inquit) debemus magis esse contra naturam, hominem homini detrabere sui commodi causa, quam omnia incommoda subire, vel externa, vel corporis, Deinde quid post Deum & animam homini fama*

F cha-

112 *Hon. Vin. Rat.*

charius? nihil est detestabilius dedecoratione, nihil fœdius seruitute. Ad decus & libertatem nati sumus & hoc teneamus, cum libertate moriamur, dedecus virtus propulsare solet. Sic Cic. Philip. 3. & Secundum Aristotelem lib. 4. Ethic. Honor est maximum bonorum exteriorum. Hinc satis apparet, quam malè faciant ij, qui aliorum honorem conantur eripere aut defacto eripiunt.

Tertiò, Prospiciendum est, quid, cum quibus & de quibus loquamur; ne nimis celeriter aut nimis multa loquamur multiloquium enim sine mendacio non consistit. Deinde is, qui multa loquitur, non videtur habere linguâ sub proprio regimine, quod optimè Hippolitus notavit dicens. Quemadmodum per proclive currentium non ubi visum est, gradus sistitur sed incitatio corporis pondere se rapit, ac longius quam voluit, & quò non voluit effertur.

— Vt saxa abrupta quibus mons subtrahitur, cliquoque latus pendente recedit:

Sic ista dicendi celeritas nec in sua pote-

potestate est nec satis decora. Imò benevolentiam potius cōminuit quā auget, sequentes enim versus id facile edocent,

Conticuisse nocet numquam, nocet esse locutū.

Lingua ergo imperio sedulus vsque tene.

Lingua parens media scelerum est certissima partis,

Hac domita, media crimina parte ruunt:

Vtque suum sensim perdunt hypocausta calorē,

Ni Studeas clausas semper habere fores:

Sic quoque quam par sit, si sapius ora recludas,

Paulatim è medio pectore fervor abis.

Quartò; animaduertendum vtrum quæ loquamur nobis obesse an prodesse possint; Stultum est enim loqui & quid loquamur ignorare.

Quintò, aliorum arcana non inquirenda sunt ob duplicem rationē: Vna est, quia male ferunt hi, a quibus eadem expetuntur: altera, quia interrogantes pro proditoribus habentur, tanquam vellent cognitis secretis obesse.

Si verò aliorū arcana nobis aperta fuerint, ea nullo modo reuellenda; teste Horatio in Epistolis; Siue Sobrius sis siue ebrius taceas & ce-

les ; nam celanda effugiens merito
 fure sceleratior æstimatur ; arcana
 namque sæpè præstant hisce rebus
 quæ a furibus surripiuntur ; & au-
 scultemus Isocratē orat. ad Domin.
Diligentius (inquit) *tuere deposita*
verborum quam pecuniarum : ne cui
arcana tua tradas , nisi res illas taceri
 non minus ijs , qui audiunt , quam di-
 centi tibi expediat . Quod etiam vult
 Oforius lib. 8. de instit. vbi de confi-
 larijs loquitur . *Est* (inquit) *in con-*
siliarijs præcipuum fidei munus , quid-
 quid secreto statutum fuerit , *silentio*
& taciturnitate comprimere : si enim
 qui amici consilium aperit , est odio
 omnium dignus ; quo tandem scelere
 illum alligari iudicabimus , qui regis
 consilium contra datam fidem cum ho-
 mine , qui non sit particeps eiusdem
 consilij , communicauerit ? est regis pro-
 ditor & patriæ euersor existimandus .

Denique consilium Erasmi in col-
 loquijs amplexādū qui sic ait . Quo-
 ties alloquitur te quispiam , cui de-
 bes honorem , compone te in re-
 ctum corporis statum ; aperi caput ,
 vul-

vultus sit nec tristis, nec toruus, nec impudens, nec proteruus, nec instabilis, sed hilari modestia temperatus: oculi verecundi, semper intenti in eum cui loqueris, iuncti pedes, quietæ manus; nec vacilles alternis tibijs, nec sint gesticulosæ manus: nec mordeto labrû; nec moueto caput; nec fodito aures. Vestis item ad decorum componatur: vt totus cultus, vultus, gestus & habitus corporis ingenuam modestiam & verecundam indolem præ se ferat.

Hæc omnia, quæ iam dicta sunt, quicumque cum alijs colloqui desiderat, sancte obseruet: Nunc quæ inter deambulandum deceant tractabimus.

De Ambulatione.

SI contigerit nos cum aliquibus deambulationem aggredi, pluribus debemus esse moribus instructi; Et primo sciendum est nos debenti debere reddere honorem, dextrumque latus concedere. Nam

teste Arist. lib. 1. Ethic. Honor maior est in honorante quam in honorato. Vnde patet istud magni esse faciendum, & nobis ipsis magnum adferre honorem.

Secundò, simus in loquendo comes, & affabiles, humani, & beneuoli. Humanitas enim & beneuolentia hominem maxime alijs commendant, & test. Plauto. Facundus comes in via pro vehiculo habetur: is tædium in itinere subleuat.

Tertiò, Inter deambulandù vtendum est gradu non nimium celeri nimiumque veloci, sed temperato, & decenti, vt in offic. iubet Cic. Eundo, nobis congregientes non commaculemus: sed sic pedes, & gressum moderemur, ne itineris socios limo aspergamus.

Quartò, submissè loquendù est, sic tamen vt alius noster socius, quæ dicamus, percipere possit: Nimium enim altiori tono vtentes socium deridere videmur; Nimium submisso eum tanquàm verbis nostris indignum iudicamus; vnde nec nimium sub-

submissa, nec nimium elata voce,
vti debemus.

Quintò, Nobis obuiam facientibus è directo siue diametraliter locum cedere nos decet, vt illud euitetur incommodum, ne inuicem corporibus tangamus, vt Caper Caprū cornibus. Obuios honoremus, & præcipue vbi ad nos nō spectet plateæ ductus (quod vel maxime hic Patauij, & alijs in locis obseruandū, nam qui murum à dextris possident, maxima se iniuria affici putant, dū aliquis ipsis obuiatur, murumque non relinquit: Si vero alicui obuiam factus sis, & ad te decus istud pertineat alteriq; murum præbueris, qui accepit, maximo honore eum dignaris, & merè tuam in istam ostendis beneuolentiam) alijsque modis. quibus honor exhibetur. Obuios salutemus, id humanitatis leges expetunt, & mirè beneuola salutatione aliorum gratiam, ac fauorem occupamus. Ideò Cato quondam, dixit: *Saluta libenter*. Salutare enim nihil est aliud quam omne genus sa-

lutis, & beneuolentiæ alteri adoptare: id quod hominem maxime, & decet, & decorat.

Dicet fortasse aliquis istud exequi nimium se humiliare est. Credo quod ipse ignoret istud quod Deus præcepit, Matth. 23. *Qui se humiliaverit exaltabitur*. Igitur talia non mihi obtundat, nam apud eundem xi. *Discite à me quia mitis sum, & humilis corde*. Deinde Luca 1. *Deposuit potentes de sede, & exaltauit humiles*. Ex quibus locis satis patet humilitatem hominem extollere: Vnde eam exerceamus.

Modò videndum est quid Iter facientibus externaſq; oras visitantibus maximè conducatur, itaque agendum est de Itinere suscipiendo.

Quæ deceant in Itinere.

INter itinerandum primò procuremus vt verum & fidelē socium acquiramus, qui nobis, si quædam occurrerit, aut morbi, aut mortis occasio, auxilio esse potest.

Se-

Secundò , Iter facientes siue pedites siue equites semper studeamus hospiciū ingredi ingruente nocte : Iter vero aggredi adueniente aurora .

Tertiò , Patriæ moribus in quā degamus, quam maximè fieri potest nos accōmodemus : studeamus linguam, & mores addiscere: Tractare quoque , per diem , an per noctem iter expediat inchoari: quanta locorum interualla sint ad quæ cupimus peruenire : ne Aestate aquæ penuria obsit euntibus , ne Hyeme difficiles, aut inuiæ occurrant palludes , maioresque torrentes , & impedito itinere circumueniatur exercitus , priusquam ad destinata perueniat. Vt enim nostra commoditas est, sapienter ista vitare : ita si aduersariorum imperia , vel dissimulatio occasionem nobis dederit , non oportet omitti , sed explorare sollicitè , proditores ac transfugas inuitare: vt quid hostis moliatur in præsentī, vel in futurum possimus agnoscere , nam alias inconsultum esset

ulterius progredi nisi alicuius Principis habeamus protectionem.

Tandem de prædonibus, ac latronibus cogitandum, diligenterq; inquirendum, vtrum per iter, quod nobis peragendum restat, non grassentur. Et hæc quæ ad peregrinantes spectant. Modo breuiter videamus quæ in secundis rebus, & fauente fortuna competunt.

De Rebus secundis.

Rerum esse vicissitudinem quotidiana abunde docet experientia: sed quoniam hæc diuersis succedat temporibus, agendum primò est de Temporibus secundis ac fauentibus tum, ad aduersa deueniendum. Fortuna igitur arridente nonnulla obseruari debent.

Et Primò sciendum, licet omnia ex voto & sententia cedant, propterea non superbiendum esse, nam, etsi omnia habeamus prosperrima.

Accidit in puncto quod non speratur in anno.
Quod bene etiam in lucem protulit
Cæsar.

Cæsar. sic inquit: *Fortuna plerumque eos quos plurimis beneficijs ornavit ad duriores casum reservat superiorum ipsorum dissimilis*; Huic sententię etiam subscribit Plut. in Cleomene. solet (inquit) *Fortuna laevi momento res maximas decernere*. Et Virgilius.

—— Tolluntur in altum

Et lapsu graviore ruant. ——

Noli ex rerum humanarum felicitate superbire. Nam instabilis & mutabilis admodum est fortunę felicitas (teste Dionys. Halic. lib. 4.) & difficile est vel in quantumvis beatis hominibus asserere quamdiu hæc ipsis sit duratura. Et Cicero addit lib. 2. de nat. Deor. *Fortuna amica varietati constantiam respuit*. Et citatus Dionys. lib. 6. *Fortunę non est fidentum* (inquit) *quā homines sæpe eam sunt, experti in suis malis; & bonis, quam sit variabilis & incerta*; unde benè Cicero lib. 1. P. M. Veter. *Fortunā laudare stultitia, vituperare superbia est*. Hoc etiam eleganter Poeta Anthol. Sacr. Ian. Bill. probat.

132 *Hon. Viu. Rat.*

stultum esse, qui in mundi prosperitate fiduciam collocat.

*Stultus ut est, lenibus vêtis qui fudit, & umbra,
Et noctis placida somnia certa putat.
Scribere quiq; in aquis mollitur, sic quoq; figit,
Qui spes in mundi prosperitate suas.
Atque ideo in terris firmi nil prorsus, ut esset,
Constituit, supera qui manet arce, Pâter.
Si licet ut firmi nihil hic stabilisq; videntes,
Tendamus celeri semper ad astra pede.*

Secundò, Cauendum est nè alteri cui fortuna aduersatur derideamus. Nam hoc est rerum secundarum prouentu insolenter abuti, & magnum imprudentiæ signū fortunæ fauenti tantum confidere, ut non cogitemus quod fortuna, quem ad summa rerum fastigia euexit, statim sine mora vel iubeat eum è monte sponte descendere, vel ipsa præcipitet. Nam intueamur potentissimum Xersem Persarum Regem. Qui omni felicitate semper usus fuit, tandem à Rege Macedone totaliter destructum, debellatum, & in captiuitatē coniectum, tandemque infelicitè mortuum. Deinde impium est

est deridere eum, cui fortuna aduersa est : nam res humanæ de manu in manum cadunt , (inquit Cic.) & Boetius de Consol. lib. 2. prosa 3. sic ait. An tu in hanc vitæ Scenam nunc primum subitus, hospesque venisti? Vllamne humanis rebus inesse constantiam reris, cum sæpe ipsum hominē velox hora dissoluat? Nam etsi rata est fortuitis manendi fides, vltimus tamen vitæ dies mors quædam fortuna est etiam manentis. Quid ergo referre putas, tunè illam moriendo deferas, ante te illa fugiendo deferat?

Tertiò, licet nos multos habeamus amicos ideo nobis non magnopere extollere debemus ; nam vt inquit Ouidius.

*Dum fueris fœlix multos numerabis amicos
Tempora si fuerint nebula solus eris.*

Et Idem Ouidius lib. 2. de Punt. ad Maximum.

*Diligitur nemo, nisi cui fortuna secunda est :
Qua simul intonat, proxima quæq; fugat.
En ego non paucis quondam munitus amicis,
Dum flauit velis aura secunda meis.*

Vt

*Ut fera nimboſo tumuerunt aquora vento .
In medijs lacera puppe relinquitur aquis .*

Et Boetius de ſe ipſo cum in exilio miſſus fuerat , ſic ſcribit .

*Quid me ſelicem toties iactaſtis amici ?
Qui cecidit ſtabili non erat ille gradu .*

Quartò , Adulatores fugiamus , & Iſocratis dicto pareamus : diſcerne fraudulentos Adulatores ab ijs , qui per beneuolentiam te colent , ne mali bonis præferantur : ij enim venena dant melle circumlita , teſte Seneca ; & Horatius lib. i . Epist. i 7 . ſic ſcribit .

*Tu rectè viſis , ſi curas eſſe , quod audis ,
Iactamus iam pridem omnis te Roma beatum :
Sed vereor ne cui de te plus quam tibi credas .
Nene putes alium ſapiente bonoque beatum .
Heu ſi te populus ſanum , recteque valentem
Diſcet , occultam febrem ſub tempus edendi
Diſſimules , donec membris tremor incidat un-
ctis ,
Stultorum incurata pudor malus ulcera celat .*

Et Antholog. Sacr. Iacob. Bill. ſic taxat eos qui adulatoribus fidem præbent .

Lingua aſſentatrix vitiorum peccantis acervat .

Et

*Et delectatum crimine, laude ligat.
Nulla sit ut lapsa reparanda cura salutis
Blanditur sonitu dum male suus honor
Libera sit potius vox correctoris amici
Serpere nec febris caeca venena sinat
Nec credens medici verbis fallacibus ager
Noxia laudata vulnera pestis amet.*

Et Iuvenal Satyr. 3. in adulantes
& fautores similes.

— rides? maiore cachinno

*Concurritur: flet, si lacrymas conspexit amici,
Nec dolet: igniculum bruma si tempore poscas,
Accipit Endromidem: si dixeris, astuo, sudat.*

Hi sunt qui faciunt id à quò prorsus abstinendum Chilon Lacedemonius admonebat, dicens, secundis rebus elato nec applaudendum nec arridendum. Infelix felicitas est quæ hominem reddit insolentior: eoq; non plausum meretur sed lacrymas. Graviusque peccant, qui docent insolentiam, quam qui ea utuntur. Sæpè populus clamat in avaritiam & tyrannidem principum: quum ipse doceat illos hæc vitia. Sic Laert. lib. 1. cap. 4.

Quintò cognoscamus omnem felicitatem nostram & omnem profectum nostrum (teste Cass. in Pl.) ad divinitatis munera esse referendum; quia
nihil

136 Hon. Vir. Rat.

nihil constat fore bonum, nisi quod ab ipso dignoscitur esse collatum. Gratiarum agendi modus nos optime docet Mellifluus Bernardus. De omni bono (inquit) apparenti à nobis referantur Deo Laudes: idque non fit e quemadmodum ab hypocritis nec sola consuetudine sicut à Sæcularibus: sed nec quadam necessitate, ut iumenta ferendis oneribus applicantur: sed sicut decet Sanctos sinceritate fida, deuotione sollicita, hilaritate grata, sed non dissoluta. Hoc etiam Ioannes Chrysost. in tractatu de Symbolo nobis clarè innuit dicendo. *Admoneo vos, ut Domino semper benedicatis. Si uenerint mala benedicite, & dissoluentur mala. Si prospera uenerint, benedicite, & perseuerabunt bona, & prospera.* Igitur quicumque desideras in perpetua permanere prosperitate, *Disce.* (ut verbis Bernardi utar) *Disce,* inquam, in ferendo gratias non esse tardus, non segnis, disce ad singula dona gratias agere, sic semper fortuna vultum habebis fauentem & amicum, & Deus tibi indies magis magisque

gisque secundabit & tandem post mundanam felicitatem, celestem contribuet.

Perspectis ijs quæ in rebus secundis maxime obseruanda sunt, inuestiganda ea veniunt quæ in rebus aduersis maximam nobis possunt adferre consolationem.

De Rebus aduersis.

VErum quemadmodum non raro fit, vt cælo quam maximè Sereno, sæuus imber subitò cooriat-
tur ita rebus maximè prosperis ac lætis, sæpenumero grauissima rerum incidit perturbatio, quam repentinam & subitam fortunæ mutationē plerumq; subsequitur animi & mentis perturbatio, error in consilijs, pavor & trepidatio in corde, & mutatio voluntatum in animis hominum. Quæ omnia mala vt facilius euitentur quædam facienda & cogitanda ad aliquam concipiendam consolationem veniunt.

Primò Igitur Dei non existamus
imme-

immemores exemplum Iobi sequē-
 tes, cui terribile ac subitaneum illud
 aduersitatis tonitru omnia quæ pos-
 sidebat & in quibus spem Domus
 suæ collocabat, breui temporis in-
 teruallo adeò destruxit vt ipsi nihil
 præter stramina quædam, quibus
 vteretur, suppeditaret: Nec hæc suf-
 ficiebant sed insuper mulieris pro-
 priæ, opprobria ac iniurias in eum
 conijctientis atrocissimam sustinere
 debuit faciem. Quid hic virum illum
 fecisse cogitatis? num animo ceci-
 disse? minime: Quid responsi ad tot
 iniuriarum acervos dedisse arbitra-
 mini? an similibus verbis maledictis
 vsum fuisse? Iobus solum in ea verba
 vultu semper eodem cōstitutus pro-
 rupit. *Deus dedit, Deus abstulit.* quasi
 diceret etiam placuit Deo per affli-
 ctiones meam explorare constantiā,
 ille est qui omnia mihi reddere po-
 test. Vnde colligere possumus non
 esse in rebus aduersis desperandum:
nam per afflictiones (teste scriptura)
experitur nos Dominus: & hæ po-
 tius vbi ad animæ nostræ salutem
 spe.

spectent sunt expetendæ ut benè posteritati mandauit Poeta quidam disce versibus.

Quid mirum est, Sanctis Domini quod legibus hæres,

Cum fauor, & splendens hinc tibi surgat honos?

At mihi magnus eris, dignus mihi laudibus amplis,

Si tua sit duro tempore firma fides.

Vir pius aduersis rerum non frangitur undis,

Immo etiam flammæ prouocat, & gladios.

Non etenim ritum puerili dulcia quarit:

Sed quæ sunt animæ pabula certa, cruce.

Et Idem res aduersas prosperis optabiliore esse demonstrat sequentibus carminibus.

Optio si deus Sortis mihi (fœmina Princeps

Dicebat) mediâ viuere sorte velim:

Si nequeam mediâ, tunc dura viuere malim;

Quam nimia rerum prosperitate frui.

Egregium sanè dictum, ratioq; perinde,

Egregia & clara Principe digna fuit.

Non desunt miseris solatia. Dixit: at illum

Qui nimis est felix, mens bona sæpe fugit.

Et Boetius de consol. lib. 2. prosa 8. sic scriptum reliquit. Etenim plus reor hominibus aduersam quam prosperam prodesse fortunam. Illa enim sem-

semper spe felicitatis cū videtur blanda, mentitur. Hæc semper vera est cum se instabilem mutatione demonstrat; illa fallit, hæc instruit; illa mendacium specie bonorum, mentes fruentium ligat, hæc cognitione fragilis felicitatis absoluit: itaque illam viduas ventosam, fluentem, sui que semper ignaram: hanc sobriam succinctamque, & ipsius aduersitatis exercitatione prudentem. Ex his omnibus patet in aduersis non esse desperandum aut contra Deum murmurandum; sed ad Dominum esse recurrendum tanquam elargitorem bonorum. Omnium & ei benedicere. Afflicti enim ad Deū clamantes exaudiuntur; vt sacræ test antur literæ mille in locis.

Secundò, aduersa patienter & læto animo ferenda vt verè viri fortis nomen obtineamus: Nam teste Gregor. lib. 5. moralium. Fortitudo non nisi in aduersitate ostenditur. Tanto enim quisque in fortitudine profecisse verius se demonstrat, quantò al iena mala robustius tole-

tolerat. Nam minus in se conualuit, quem aliena iniquitas sternit, qui in eo, quod ferre non valet, pusillanimitatis suæ gladio confossus iacet. Vir fortis (inquit Cassiodorus super psal. 1. Beatus Vir) vocatur à viribus, qui nescit in aduersis tollerando deficere, aut in prosperis aliqua elatione se iactare, sed animo stabilis defixus, & cælestium rerum contemplatione firmatus, manet semper impavidus. Et Cicero addit primo offic. Omnino fortis animus & magnus duabus rebus maxime cernitur, quarum vna in rerum externarum dispicientia ponitur, nullique neque homini, neque perturbationi animi, neque fortunæ succumbere. Perferre enim constanter, & patienter aduersitatem magnam laudem nobis adfert, teste Cic. lib. 2. de Oratore. Magna laus (inquit) & admirabilis videri solet tulisse sapienter casus aduersos, non factum esse fortuna, retinuisse in asperis dignitatem. Et idem lib. 3. de finibus bonorum, & malorum. Qui magno
animo

animo est atque forti, omnia, quæ cadere in hominem possunt, despicit & pro nihilo putat, atque iste vir altus, & excellens magno animo verè fortis, infra se omnia ducit. Et Seneca in epist. Fortis, & compositus animus est, qui nec ablatum, quicquam sibi sentit, nec abiectum, sed in eodem habitu stat, quocumq; res cadunt siue geruntur: vulgaria, bona supra res suas eminent, siue aliquid ex istis, vel omnia, casus excusserit, minor non fit.

Tertiò, Cogitemus Deum ista totaliter posse imutari finemque Imponere iuxta illud Virg.

— *Dabit Deus his quoque finem.*

Quartò, Consilium aduersus infelicitatem quæramus: idque à certis nostris amicis quos verè in isto tempore cognoscemus, & isti veri amici dicendi sunt; teste Ouid. 1. Tristium.

*Scilicet ut fulmen spectatur in ignibus aurum,
Tempore sic duro est, inspicienda fides.
Dum iuuat & vultu ridet fortuna sereno,
Indelibras cuncta sequuntur opes*

Ac

*At simul intonuit, fugiunt, nec noscitur ulli
Agminibus comitum qui modò cinctus eras.*

Quintò, Felices nos potius quam infelices æstimare debemus, nam teste scriptura, afflictiones pios nō reddunt miseros sed potius beatos. & vt Ethnicorū adferam autoritatem; dicit Cic. 4. Tusc. Is est beatus, cui nihil humanarum rerum aut intollerabile ad demittendum animū aut minus lætabile ad efferendum videri potest.

Sextò, Cogitemus iustos in hoc mundo maxime affligi, & aduersitate puniri, vt scilicet pro humanarum rerū aduersitate celestiū obtineant felicitatem, & nulla potest esse maior in rebus aduersis consolatio.

Succedit tractatus in quo alijs prodesse possumus.

De Obsequio in alios.

Cvm virtutis proprium est officium in alios beneficia conferre

re potius , quam ab alijs accipere ; animaduertendū iure merito reor , quo loco , quo tempore & quibus beneficia contribuamus teste Seneca lib. 3. de benef. In beneficio (inquit) tempus , locum , personam quisque obseruet , quia monumentis quædam grata & ingrata sunt . Quantò enim acceptius est , si id damus , quod quis non habet , quam cuius copia abundat ? & quod diù quærit , quam quod vbique visurus est ? illa quoq; non erunt sine honore quæ aut illi nemo alter dedit , aut nulli alijs .

Primò , Igitur conferendi beneficij tempus inspiciendum . Tempore enim (inquit Seneca de benef. 3. cap. 8.) beneficia magna sunt . Beneficiū est ysis in fame panis . Beneficium est , arentibus siti , & vix spiritum per siccas fauces ducentibus monstrare fontem . Eo animo quidquid debetur , quo datur , nec quantum sit , sed a quali voluntate , perpenditur . Maius enim aut minus fit quamuis idē sit tēpore , loco , causa .

Se-

Secundò, Videndum vt bonis & gratis porrigamus beneficia ; nam hæc ob duplicem causam magnum nobis adferunt honorem & teste Macrobi. lib. 2. Saturnal. beneficium dando accepit, qui digno dedit ; & Loricinus Poeta sic scribit .

Si conforre cupis cuiquam benefacta benignus :

Tum prius exornet quem tua dextra, vide.

Denique bonos meritis, res optima multis ;

Nam redit ex illis gratia larga tibi .

Sed si destituas iustorum velle facultas

Reddet Stellifera qui se det arce pater.

Et Plautus in Rud.

Quod bene fit bonis, haud perit :

Ab alio expectes alteri quod feceris .

Et Virgilius 4. Aeneid.

Et bene apud memores veteris stat gratia facti.

Tertio, tempestiue danda sunt beneficia, citò, & libenter. Ingratum enim (inquit Seneca lib. 4. de benef.) beneficium quod diù inter manus dantis hæsit : quod quis ægrè dimittere visus est & sic dare tanquã sibi cripiatur. Gratissima autem sunt beneficia, parata, facilia, occurrentia, vbi nulla mora fuit nisi acci-

G

prien-

pientis verecundia . Deinde, bis dat qui citò dat .

Quartò , vltro offerenda sunt beneficia teste Erasmo . non enim est expectandum, vbi necessitatē agnoscimus, donec rogemur. Pulchrum sane (inquit Seneca) prædicandum beneficium nulla dilatione suspensum , nullis precibus redemptum , nullis meritis comparatum . Gratius est enim donum quod venit ante preces. &

Bis est gratum , quod opus est , vltro si offeras .

Ex his liquet , quod , qui rogatus solum beneficia confert , quasi promissa conferat ; Prouerbiū enim Vulgatum est; *precata & a nobis promissa non differunt.* Et illud, *Carè constat precibus quod emitur.*

Quintò , Probe ac fideliter amicorum res peragantur, non secus ac nostræ; imo amicorum negotia proprijs anteponenda; nam semper studere debemus , vt amicos nouis beneficijs (vt suo loco dictum est) cumulemus ; quod vel maximè faciemus eorum negotia promptè pertra-

tractando, eorum paupertati succurrendo, imo potius occurrendo, & eorum necessitati subueniendo, imo potius si fieri possit, præueniendo: sic Deum sequemur, & misericordiam apud ipsum impetrabimus.



CAP. VI.

VIRTUS
SIVE HONESTAS

acquisita quomodo
seruanda.



Bi iam omni virtutum genere sumus ornati non minus studendum est vt in ea perseueremus quam arduum fuit eam consequi nam teste Ouidio .

Non minor est virtus quā quærere, parē tueri .

Virtutem igitur iam adeptam vt conseruemus , quædam præceptiones nostris pectoribus insculpendæ ac imprimendæ sunt.

Prima . Omnia , quæ honestatem pessundare possunt , fugienda : vt sunt allectamenta vitiorum , voluptatum illecebræ , crapula , luxus & otium . Hinc Hermolaus Barbarus optimè cecinit ,

Ven-

Venter, pluma, Venus laudem fugienda sequeri.

Fugienda esse vitia virtutis amanti satis patet ; impossibile est enim ut duo contraria in vno eodemque subiecto consistent iuxta Philosophū .

Secunda . Quidquid agamus , loquamur , & cogitemus , semper ad honestatem vergat . Sola igitur honestam exerceantur : in solis honestis sit omne opus , omnis labor , omnis cogitatio nostra . Sic tandem fiet ut virtutibus imbuamur non minus , quam si nobis a primo ortū ingenitæ forent ; vitiaque omnia tanquam infensissimam pestem detestabimur , & virtutem tanquam bonorum omnium magistrā avidi amplexabimur . Multum est se virtuti assuefacere ut Virgilius bene notavit dicendo

Vsque adeo a teneris virtuti assuescere multum est ,

Nihil potentius est assuefactione ad virtutem adeptam retinendam .

Obijciat fortasse quispiam . Vsque adeo quis posset honesta agere & meditari , cum nemo sit qui omni-

bus momentis sapiat , sed interdum bonus dormitet Homerus? cui obiectiōi facilis est responsio & ex sequenti præceptione elucebit .

Tertia . Semper cum honestis cōuersemur , ipsis conuiuiamus & ab ipsorum consortio nos non seducamus , exemplum Ciceronis sequentes , qui (vt ipse de se testatur) nonquam a Mutio Scæuola Sene . Sese separauit . Mirum namque dictu , quantum in moribus hominum familiaritas domestica ac quotidiana efficiat ; hæc est quæ ipsam hominū naturam (vt ita dicam) immutat , variat & prorsus inuertit : Ideò Psal- mista Psal. 17. quondam scripsit ; *cum bono bonus eris & cum peruerso peruerteris* . Honesti igitur quicumque esse aut perdurare voluerint , semper conabuntur honestis adesse , cum honestis consortium habere , ac denique honestis cohabitare .

Quibus omnibus benè obseruat is tandem , fauente Deo , videbimus quo apud nos virtus , certum , fir- mum , & incorruptibile domicilium ,

captu-

Petri Carocci. 151

captura sit; qua tandem duce cele-
ste domicilium ascendemus & æter-
na felicitate fruemur.

LAVS DEO OPTIMO
MAXIMO.

IN Libro cuius Titulus
est (*Honestæ Viuendi
Ratio*) Authore R.
Petro Caroccio cuius Ini-
tium *Habes hic* ; finis vero
felicitate fruemur , nil con-
trarium Fidei Catholicæ in-
uenitur. In quorum fid.

*Dat ex Ædibus S. Officij apud
S. Antonium de Padua
die 28. Mensis Iun. 1656.*

Fr. Bernardinus de Mattera
Vic. General. S. Officij
Paduæ.



Errata sic Corrigantur.

Pag. ver. 2. 10. regijs Regis 14. se * 13. 2.
 ob ab 14. 4. munus minus 6. auis quis 15
 18. honestus honestum 17. 11. multæ
 multa 19. 7. est est est 8. delinquat delin-
 quit 21. 6. ingenys ingenuè 24. perdu-
 ceret perducerent 23. 14. e & 29. 4. lu-
 dibus laudibus 33. 13. perpedamus per-
 pendamus 34. 19. pupillis pusillis 22. si-
 si 39. 3. secundam secundum 40. 19. *
 42. 12. aloquente repeti à loquente re-
 peti aut 44. 1. nimietas nimicitas 13. ij
 is 45. 10. contrestetur contristetur 16.
 respodit respondit 47. 25. vtilitati viri-
 litati 48. 18. virtutis virtutes 57. 21. di-
 tissimè 59. 15. virtutosam virtuosam
 60. 21. sibimet 61. 20. labeam labo-
 rem 23. max mox 62. 10. promissionem
 promissione 22. Omædia Comædia 64.
 ijs ij 65. 7. resissistit resistit 15. officio-
 rum est officium, Iuuenis est, 18. insti-
 tuant instituat 67. 10. virtutis virtutes
 60. 7. etati ætati 18. mirum à senibus
 mirum si à senibus 70. 16. quo quod
 71. 5. instrustus instructus 77. 2. Hæc Ec
 78. 5. venerabilis venerabilius 80. 27.
 iussu iussa 82. 1. coiro corio 85. 11. asse-
 quamur assequantur 87. 5. decent de-
 cent 90. 2. socy socijs 14. dicamus di-
 scemus 27. opiniones opinionis 91. 7.
 nutri neutri 93. 16. qua quia 95. 3. pud-
 ci mecum pudicę cum 10. amata arma

ra 96. 10. sciras schytas 97. 16. docent;
decentq; 26. esse esset 98. 19. Humæ
Numæ 100. 7. formâ fortuna 12. habe-
tur habeto 105. 25. instituat instituant
117. 16. iubet iube 22. miratur mutatur
113. 24. ad at 120. 2. vulgaram vulga-
tum 15. sit sic 127. 19. istam istum 139.
3. disce hisce 142. 15. imutari inamu-
tari.

6-3-1

